

大戴禮記解詁

大戴禮記解詁敘錄

揚州阮中丞敘曰南城王君實齋著大戴禮記解詁十三卷目錄一卷其言曰大戴與小戴同受業於后倉各取孔壁古文記非小戴刪大戴馬融足小戴也禮察保傳語及秦亡乃孔襄等所合藏是賈誼有取於古記非古記采及新書也三朝記曾子乃劉氏分屬九流非大戴所裒集也其校經文也專守古本爲家法有懲於近日諸儒妄據他書徑改經文之失其爲解詁也義精語潔恪守漢法多所發明爲孔搗約諸家所未及能使三千年孔壁古文無隱滯之義無

虛造之文、用力勤而爲功鉅矣。元從北平翁覃溪先生、得識王君、王君厚重誠篤、先大夫敬之以爲有古人風、延教家塾子弟者有年。王君書成、屬序於元、元更出元素校大戴本付王君、王君或以己所校者衡量之、加以棄取、別爲大戴記作釋文數卷、不更善乎。嘉慶十二年、揚州阮元敍於擘經室。

山陽汪閣學敍曰、嘉慶丙寅冬、予視學江西、阮芸臺同年以書來、極道南城王君實齋之賢、未之見也。己巳季夏、君將以拔萃就博士選、循例謁予、章門因出其所著大戴記解詁目錄見示、予受讀之、學古而識

卓理精而論篤其推明大戴記爲孔壁古文非小戴
刪餘語及秦亡乃孔襄所合藏賈誼所稱引非大戴
取賈誼書七略分隸六藝諸子乃劉氏裒大戴非大
戴輯他說皆確鑿有根據不可移易其斥後人據王
肅私竄之家語及唐宋人類書世俗坊本改定本經
尤切中近世儒人浮華好異蔑古不根之失雖其全
書未獲卒業然觀其發凡大旨禮典器數墨守鄭義
解詁文字一依爾雅說文及兩漢經師有不知而闕
無杜撰之言殆庶幾古人實事求是之學而異於世
之剽竊附合堅僻自是以夸世俗者其亦遠矣予於

是經無所自得、慚承下問、輒書數語歸之、以志服膺、並以質之芸臺、山陽汪廷珍。

歙淩進士紱曰、南城王實齋先生著大戴禮記解詁十三卷、研求古訓、理精義密、足矯以臆說經之弊。其言曰、近代以來、人事校讐、或據王肅私定家語、改易經文、是猶聽信盜賊、研審事主也。又或據唐宋類書所引、增刪字句、是猶舍當官案牘、而求情實於風聞也。故其所釋、惟據相承舊本、不敢以他書增刪改易、用力之勤、凡二十餘年、其於大傳禮、可謂有功矣。嘉慶戊辰歲八月、晤先生於浙西、先生不以爲鄙、發篋

見示廷堪於是書所得甚淺既無以益之於是舉其卓絕之識書諸簡末以告世之好學深思者同門年愚弟欵凌廷堪識

揚州汪編修紱曰昔朱子謂大戴禮注當是鄭康成所爲此疑辭無實據所引有魏晉人語必非鄭注可知周書盧辨傳稱辨少好學以大戴禮無解詁乃注之其兄景裕比於侍宗注小戴今存盧注只八卷未可爲全書也乾隆年盧召弓先生以元時本校定脫誤而未解詁南城王實齋先生惜舊注之少且後人所改不盡允當乃融會鄭氏說經諸書分節注之如

五義義字據周禮注讀若儀五鑿五字釋若忤青史
子引漢書君子養之讀若中心養養之養皆能根據
經史發蒙解惑非不根之說也夫小戴禮頒立學宮
世咸讀之大戴禮篇目錯誤文多晦澀世多不讀讀
亦不熟今此書出義理瞭如不特爲大戴功臣其有
益於學校匪淺也萬儀堂孝廉南城後進之士也攜
以示余謂將付手民余欽實齋先生之學而嘉萬生
之好學也謹讀而序之時在道光庚戌三月揚州後
學汪廷儒拜譔

自敘曰劉向別錄云古文記二百四篇古文者孔子

壁中書也。漢書藝文志云：武帝末，魯共王壞孔子宅，欲以廣其宮，而得古文《尚書》及《禮記》、《論語》、《孝經》凡數十篇，皆古字也。又云：《禮》、《古經》者，出於魯淹中，及孔氏學七十篇，文相似，多三十九篇。及明堂陰陽，王史氏記所見，多天子諸侯卿大夫之制，雖不能備，猶瘞倉等推士禮而致於天子之說，其目有記百三十一篇。明堂陰陽三十三篇，王史氏二十一篇，此《禮記》之所由來，惟孔氏壁中之本也。孔穎達《曲禮疏》曰：鄭康成《六藝論》云：戴德傳記八十五篇，則大戴禮是也。戴聖傳記四十九篇，則此《禮記》是也。晉司空長史陳邵周

禮論紱云戴德刪古禮二百四篇爲八十五篇謂之大戴禮此大戴之書篇數具在惟取於孔壁古文未嘗闕入諸家也或曰壁藏之書當在先秦今禮察保傳篇中皆有秦二世而亡之語與賈誼新書同得無大戴取於賈氏書乎聘珍曰顏注漢志引家語云孔騰字子襄藏書於夫子舊堂壁中而漢記尹敏傳云孔鮒所藏案史記孔鮒爲陳涉博士固在亡秦之時而子襄爲漢惠博士則秦亡久矣漢惠本紀四年除挾書律張晏注云秦律敢有挾書者族然則漢惠四年以前皆是藏書之日而古文記二百四篇亦非出

於一時一人之手。若禮察保傳諸記，乃楚漢間人所爲，合於二百四篇之中，而爲孔氏所藏，亦別有流傳在外之本，而爲賈氏所取。此賈書有取於古記，非古記有待於賈書也。又大戴禮有孔子三朝記七篇，曾子十篇，皆是古文記。二百四篇中書，自劉氏總羣書而奏七略，序六藝爲九種，分諸子爲九流，於是出三朝記於論語之類，出曾子於儒家者流，此又劉氏剖析傳記，而非大戴采取諸家也。今小戴禮記燦然具備，而大戴之篇祇存四十。隋書經籍志謂戴聖刪大戴之書爲四十六篇。漢末馬融足月令一篇，明堂位

一篇樂記一篇其說頗爲附會蓋因大戴八十五篇之書始於三十九終於八十一其中又無四十三四十四四十五六十一四篇多出第七十三一篇隋志又別出夏小正第四十七一篇則存三十九而闕四十六故支離其辭以爲小戴所取耳豈知月令明堂位劉向別錄並屬明堂陰陽固古文三十三篇之內者也而樂記疏引劉向別錄云禮記四十九篇樂記第十九則樂記之入禮記自劉向所見本已然矣又何待於馬融之足哉且當時古本具在大小戴同受業於后倉之門小戴又何庸取大戴之書而刪之蓋

二家俱就古文記二百四篇中各有去取故有大戴取之小戴亦取之如哀公問投壺等篇者也况大戴所闕之篇其名往往見於他書如玉度記辨名記政穆篇之類皆不在於小戴記中豈得以大戴闕篇卽小戴全篇邪夫以大戴之書同是聖賢緒餘自古未立學官兩漢經師不爲傳注陸德明不爲音義迄無定本後周盧辨雖爲之注然而隋唐宋志並不著錄則其書傳者蓋寡是以闕佚過半其存者亦譌變不能卒讀自時厥後未有專家近代以來人事校讐往往不知家法王肅本點竄此經私定孔子家語反據

肅本改易經文是猶聽信盜賊研審事主有是理乎
又或據唐宋類書如藝文類聚太平御覽之流增刪
字句或云據永樂大典改某字作某是猶折獄者舍
當官案牘兩造辭證而求情實於風聞道路得其平
乎是非無正人用其私甚者且云某字據某本作某
豈知某本云者皆近代坊賈所爲其人竝無依據是
直向聾者而審音與盲人而辨色凡茲數端大率以
今義繩古義以今音證古音以今文易古文遂使
壁古奧之經變而文從字順洵有以悅俗學者之目
然而經文變矣經義當由茲而亡可不懼哉聘珍今

爲解詁十三卷、目錄一卷、與諸家所見未敢雷同、惟據相承舊本、不復增刪改易、其顯然譌誤者、則注云某當爲某、抑或古今文異、假借相成、依聲託類、意義可通、則注云某讀曰某而已、其解詁專依爾雅、說文、及兩漢經師訓詁、以釋字義、於古訓之習聞者、不復標明出處、稍涉隱奧、必載原書、亦復多引經傳、證成其義、閒有不知而闕、必無杜撰之言、舊說有可采者、則加盧注云以別之、至於禮典之辨、器數之詳、壹以先師康成緒論爲主、以禮本鄭氏專門之學、而其學則聘珍生平所私淑諸人者也、未免膏肓之疾、難辭

墨守之愆。以云有功經學。實所不敢。但於三千年來
天壤孤經。亦可謂盡心焉爾已。憶垂髫受書。家父
口授此經。聘珍年纔幼學。迄今誦習三十餘年矣。爲
茲解詁。稿凡數易。亦厯有年所。不但稟承家學。抑亦
博問通人。今檢其簡札。弁諸書首。以誌師友淵原著
書歲月。庶傳諸將來。知非鄉壁虛造者也。南城王聘
珍。

大戴禮記解詁目錄

南城王聘珍學

主言第三十九

廣雅云主君也主言者君天下之言也曲禮曰君天下曰天子誥志曰主

祭於天曰天子會子曰聖人爲天地主爲山川主爲鬼神主爲宗廟主是也王肅私定孔子家語盜竊此篇改作王言俗儒反據肅書改竄本經亦作王言非是始於三十九

哀公問五義第四十

義讀曰儀周禮以儀辨等鄭注云故書儀或爲義杜子春讀爲

儀又周禮凡國之大事治其禮儀鄭注云故書儀爲義鄭司農云義讀爲儀古者書儀但爲義今時所謂義爲誼聘珍謂鄭云故書者古文書也大戴禮記是剛取孔壁之書雖經改寫閒存古文俗儒據荀子書改義作儀者非是名曰五義者篇中所云庸人士君子賢人大聖是也

哀公問於孔子第四十一

此於小戴記爲哀公問弟二十七孔疏云鄭目錄云

名曰哀公問者善其問禮著諡顯之也此於別錄屬
通論但此篇哀公所問凡有二事一者問禮二者問
政問禮在前
問政在後

禮三本第四十二
名曰禮三本者本經曰禮上事天

之三本也篇中多推明反本修古不忘其初之事史
記禮書采取此篇為之古文禮記是與尚書等經同
出孔壁孔氏安國盡得其書司馬遷嘗從安國
問故遷書多古文說此類皆是不獨為尚書也
已

上卷一凡四篇

禮察弟四十六
此篇之前弟四十三四十四四十五
三篇並闕而此篇亦多譌竄自篇首

至倍死忘生之禮眾矣同小戴記經解弟二十六自
凡人之知以下漢書賈誼傳有之篇首稱孔子曰後
言秦王子孫誅絕當中顯有譌脫之處案漢書藝文
志所載記百三十一篇班氏自注云七十子後學者
所記也不言其為何時之人諒非一時同出者也楚
漢之間如陳涉博士之徒皆其支流餘裔豈不發憤

著書然則禮察保傳等篇皆是楚漢閒人所為同在
古文記二百四篇之中大戴取之以為記賈誼亦采
以為書而班氏又潤色賈書以入史故此篇中有問
為天下何如又有今子或言云云並非上疏之體也

夏小正第四十七

禮運曰孔子曰我欲觀夏道是故

注云得夏四時之書也其書存者有小正史記云孔
子正夏時學者多傳夏小正亦二百四篇中之一太史公所

學者所為而夏小正亦二百四篇中之一太史公所
云學者即班氏所云七十子後學者也太史公所

傳夏小正即班氏所云七十子後學者也太史公所
自有經有傳知者鄭小正元書而為之傳者也太史公所

啟蟄魚陟負冰農者鄭注月令引夏小正者九如正月
九月丹鳥羞白鳥十一月王符皆是經文首句故直

稱為夏小正曰獨於丹鳥羞白鳥之下引丹鳥也者
謂丹良也云則以說曰二字別之說曰者即傳也者

之說也是鄭所見本原自二有經有傳此其明證也又
郭注爾雅有引夏小正曰猶未諤也隋書經籍志則

小正之有經有傳至晉時猶未諤也隋書經籍志則
戴禮記十三卷外有夏小正一卷戴德撰後人遂相

承以夏小正乃大戴自為無分經傳不知大戴祇就古文記則取成書未嘗自作隋志所云戴德撰者謂其書從太戴禮記中出並非謂其自作也宋有傳松卿倣杜氏春秋左傳集解之例釐析經傳亦非大戴之舊已上卷二凡二篇

保傅第四十八 傳名曰保傅者本經曰保保其身體傳

賈誼新書保傅傳職容經胎教等篇與此大同小異

自篇首夏為天子至此時務也漢書賈誼傳亦有之

字句小有詳略漢書昭帝紀詔曰修古帝王之道通

保傅傳即謂此篇是古又有保傅傳之名也班氏白

虎通引此篇語稱禮保傅曰是此篇本古文禮記蓋

楚漢閒人所為其人亦七十子後學之流漢初並在

古文二篇四篇之中出自孔壁故當時即以列於孝

經論語尚書之類而進之於君而賈誼所從而采摭

潤色以成一家之言者則在外流傳之本亦如古文

尚書出自孔壁而先有今文行於世特其篇數多寡

不同耳俗儒不能沿流溯源猥以大戴取於賈誼之

書則此篇之末又見於劉向說苑豈大戴復取於劉

向書耶。蓋古人之書名曰著述。采取者博。如史記明是采世本左傳國語國策所為。呂覽淮南亦非盡出一手。賈氏之書亦何必不有取於古記也。已上卷三凡一篇。

曾子立事第四十九

此篇言博學審問慎思明辨篤

立身行道也。此以下十篇題首並云曾子者。蓋曾子之後學者論撰其先師平日所言立身孝行之要。天地萬物之理同在古文記二百四篇之中。並出於孔氏壁中者也。漢書藝文志儒家有曾子十八篇。班氏自注云。名參。孔子弟子。是即禮記中之本。自劉氏析羣書為七略。乃從禮記類中出之。於儒家者流。藝文志乃因劉氏之舊耳。當口大戴定禮記。祇就古文二百四篇。或刪或取。未嘗汎及諸子也。白虎通喪服篇引禮曾子記曰。大辱加於身。皮體毀傷。即君不臣。士不交祭。不得為昭穆之尸。食不得昭穆之牲。死不得葬。昭穆之域。今案大小戴記中並無此文。則班氏所稱禮曾子記者。自是大戴佚篇。中文也。據此則曾子記十八篇大戴所取。必不止此。此

曾子本孝弟五十名曰本孝者本經曰忠者其孝之本與蓋孝必本於忠也說文云忠

敬也篇中所言皆敬其身以敬父母之事

曾子立孝弟五十一名曰立孝者本經曰君子立孝其忠之用禮之貴盧氏注云有

忠與禮孝道立

曾子大孝弟五十二名曰大孝者孝以尊親為大亦舉篇首之字為篇題也其中兼

言天子諸侯卿大夫士之孝小戴記祭義弟二十四與此同又哀取他篇以益之主言祭祀齊戒薦羞之

義不專為曾子書故於別錄屬祭祀也

曾子事父母弟五十三名曰事父母者論語曰事父母幾諫篇中主言幾諫之義

並及事兄使弟之道已上四篇與孝經之言皆發明仲尼弟子列傳云孔子以曾參為能通孝道以授之

業作孝經已上卷四凡五篇

曾子制言上第五十四制法也。曾子多篇皆篇首文字。後學纂述先師之語。比諸先王之法言也。三篇之中。主言行禮秉德居仁由義。進退不苟之事。以簡策重。多分爲上中下三篇。

曾子制言中第五十五

曾子制言下第五十六

曾子疾病弟五十七名曰疾病者。疾病時之言也。本所聞則廣大矣。曾子生平進德修業之功。亦可見矣。

曾子天圓弟五十八名曰天圓者。亦以篇首文字標題。篇中發明天地陰陽禮樂律。麻之道。曾子述所聞於孔子。以示後學者也。

已上卷五凡五篇

武王踐阼弟五十九武王克殷。踐天子位。受書於師。尙父退而自爲戒書。著於物。以

自警此記者
紀錄舊聞也

衛將軍文子弟六十

名曰衛將軍文子者善其能咨

之也史記仲尼弟子列傳多取此篇語太史公曰弟子籍出孔氏古文近是則古文記二百四篇中尚有

弟子籍

已上卷六凡二篇

五帝德弟六十二

此已前闕弟六十一一篇史記五

帝及帝繫姓儒者或不傳余嘗西至空峒北過涿鹿

東漸于海南浮江淮矣至長老皆各往往稱黃帝堯

舜之處風教固殊焉總之不離古文者近是三代世

表云余讀諫記黃帝以來皆有年數稽其厥譜諫終

始五德之傳古文咸不同乖異夫子之弗論次其年

月豈虛哉聘珍謂史遷所云古文者即此五帝德及

帝繫二篇也二篇皆在禮記二百四篇之中與古文

尚書等經同出孔壁故謂之古文也此五帝本紀三

代世表之所本亦史遷所據以考訂古原譜諫記傳

之異同者也蓋古文初出呈其

氏謂馬遷嘗從安國問故遷書多古文說是也

帝繫第六十三

周禮瞽矇職曰世奠繫鄭注云故書

爲奠書亦或爲奠世奠繫謂帝繫諸侯卿大夫世本之屬是也小史主次序先王之世昭穆之繫述其德之行瞽矇誦世繫以勸戒人君也故國語曰教之世爲之昭明德而廢幽昏焉據此則帝繫本古史之流而大戴禮記中此篇則七十子後學者紀錄舊文卽史記所云孔子所傳宰予問五帝德及帝繫姓者是也漢武之際出自孔壁寫以蜎蚪故史遷謂之古文焉索隱云案大戴禮有五帝德及帝繫篇蓋太史公取此二篇之謀及尙書集而紀黃帝以來爲系表也

勸學第六十四

文有與管子荀子同者當是記者采

苑者是又從此經采取者

已上卷七凡三篇

子張問入官弟六十五

鄭注雜記云官猶仕也問入官者問爲仕之道聖人告以

南面臨民恢之彌廣
君國子民不外是也

盛德第六十六

此於古記當屬明堂陰陽名曰盛德

之政也明堂月令曰立春盛德在木立夏盛德在火
立秋盛德在金立冬盛德在水明堂順五行之德故
謂明堂為盛德蓋三

十三篇中之一也

明堂第六十七

此篇專言明堂之制故篇題直曰明

五經異義引此經文稱為盛德記以盛德亦是明堂
之記故通稱之也漢書藝文志有明堂陰陽三十三
篇而無盛德之名猶後人稱盛德而不別著明堂之
名也鄭氏異義駁云禮戴所云雖出盛德記及其下
顯與本異章九室三十六戶七十二牖似秦相呂不
韋作春秋時說者所益今案呂氏春秋禮家鈔為月
令者劉向別錄屬於明堂陰陽是大戴禮記中明堂
篇目自是古本所有不可泯也俗儒或據異義所引
合并此篇於盛德篇中刪去

明堂第六十七篇題者非是

已上卷八凡三篇

千乘弟六十八

此於三朝記為第一。漢書藝文志論

云昔孔子三見哀公言成七卷。裴注云：劉向七略曰

孔子三見哀公作三朝記七篇。今在大戴禮臣松之

案中經部有孔子三朝八卷。一卷目錄餘者所謂七

篇。王伯厚云：孔子三朝志七篇。今考大戴禮千乘四

代虞戴德詔志小辨用兵少聞是也。聘珍謂此七篇

亦七十子後學者所記。原在古文記二百四篇之中。

故大戴采而錄之。自劉氏七略乃別出於

論語類中。亦如曾子記別出於儒家類也。

四代弟六十九

此於三朝記為弟二

虞戴德弟七十

此於三朝記為弟三

諸志弟七十一

此於三朝記為弟四

文王官人弟七十二

此記者紀錄舊聞也。文與周書

齊序云：成王訪周公以民事。周公陳六轍以觀察之。

作官人。據此則事屬成王信矣。大戴禮記作文王者

大戴禮已詳古

目錄

六

記者所聞異辭也。但如周書作周公曰亦有六徵云云。訓體也大戴作王曰嗚呼云云。諸體也。諸當為文王。

諸侯遷廟第七十三 諸侯遷廟者禮古經五十六篇中之篇名此乃其記也亦如儀

禮各篇之記然漢書藝文志云禮古經者出於魯淹中及孔氏學七十篇文相似多三十九篇及明室陰

陽王史氏記所見多天子諸侯卿大夫之制雖不能備猶瘞倉等推士禮而致於天子之說即此類是也

此篇乃諸侯三年喪畢遷廟者非是說詳篇中

廟舊說竝云練而遷廟者非是說詳篇中

諸侯覺廟第七十三 諸侯覺廟者亦禮古經五十六篇中之篇名而此乃其記也記

諸侯既成祖廟殺牲覺之之事小戴入於雜記下弟

二十一篇次重云七十三者本經闕文之後簡編俱錯亂不可考矣

已上卷十凡三篇

小辨第七十四

此於三朝記為第五大戴原本自當與諸志篇相接今本中隔文王官人

諸侯遷廟諸侯尊廟三篇者
大戴篇次拉為後人所亂也

用兵第七十五
此於三朝記為第六漢書高帝紀云祭蚩尤於沛庭臣瓚曰孔子三朝記

云蚩尤庶人之貪者師古云瓚所引者同是大戴禮
出用兵篇而非三朝記也聘珍謂劉向七略云孔子
三見哀公作三朝記七篇今在大戴禮而漢書劉向
傳載向疏云昔孔子對魯哀公並言夏桀紂暴虐
天下故麻失制攝提失方孟陬無紀云云正是用兵
篇文劉向以為孔子對哀公之辭則為三朝記明矣
師古謂用兵篇非三朝記又云
大戴禮有三朝記一篇並非是

少閒弟七十六
此於三朝記為第七
已上卷十一凡三篇

朝事弟七十七
鄭注周禮大行人云朝事儀曰奉國地所出重物而獻之明臣職也注儀

禮觀禮云朝事儀曰天子冕而執鎮圭尺有二寸縹
藉尺有二寸云云並是此經之文而稱曰朝事儀是
古本篇題原有儀字後乃脫去耳經文多同周禮典
命大行人小行人司儀掌客諸職及小戴記聘義篇

是記者鈔錄舊聞以爲禮經之記者也

投壺第七十八

小戴記投壺第四十孔疏云案鄭目錄云名曰投壺者以其記主人與客

燕飲講論才藝之禮此於別錄屬吉禮亦賓曲禮之正篇是投壺與射爲類此於五禮宜屬嘉禮也或云宜屬賓禮聘珍謂此經篇末附射事及狸首之詩所云與射爲類是也但篇中多闕文錯簡恐出於孔壁簡滅札爛小戴取其明文著於篇大戴則仍古本而存之非盡亂於大戴既刪之後也

已上

卷十二凡二篇

公符弟七十九

符當爲冠之譌通典嘉禮注引譙王云云是古本作公冠公謂諸侯也儀禮士冠記曰

公侯之有冠禮也夏之末造也左氏襄九年傳曰君冠必以裸將之禮行之以金石之樂節之以先君之祧處之是諸侯之有冠禮當在禮古經五十六篇之中此篇乃其記也篇末有孝昭冠辭及祭天祭地祭日祝辭是後人竄入非大戴原書所有也知者劉昭

注續漢書禮儀志云冠禮曰成王冠周公使祝雍曰辭達而勿多也祝雍曰近於民遠於年遠於佞近於義盛於財任賢使能博物記曰孝昭帝冠辭曰陛下擣顯先帝之光曜云云所引冠禮卽此經之文也文止於任賢使能其下另引博物記中語若果在此篇之中劉氏又安用加博物記曰以別之其爲後人竄入無疑矣今因舊本存諸篇末

本命弟八十名曰本命者本經曰分於道之謂命篇中言男女居室喪服之事亦禮家雜記推本於性命也

易本命弟八十一此篇蓋亦明堂陰陽之流名曰易致命之事終之以著龜而統之以乾坤也鄭云大戴記八十五篇此以下闕四篇也已上卷

十三凡三篇

大戴禮記解詁目錄終 姪嘉會校刊

大戴禮記解詁 目錄

大戴禮記解詁卷之一

南城王聘珍學

主言第三十九

孔子閒居曾子侍

鄭氏三禮目錄云退燕避人曰閒居仲尼弟子列傳云曾參南武城

人字

孔子曰參今之君子

君子在位者之通稱

惟士與大夫之

言之閒也其至於君子之言者甚希矣

白虎通云士者事也任事

之稱也大夫職在於適四方受君之法施之於民帝王或稱君子何道德之稱也聘珍謂閒猶中也君子

者君上位子下民希罕也言今之在位者所言不於出於任事奉法之中罕聞君國子民之大道也

乎吾主言其不出而死乎哀哉

廣雅云主君也主言謂君子之言楊注荀

子云出行也史記云孔子曰我欲載之空言不如見之於行事之深切而著明也

曾子起曰

敢問何謂主言

曲禮曰請業則起請益則起

孔子不應曾子懼肅

然摳衣下席曰弟子知其不孫也得夫子之閒也難

是以敢問也

應以言對也肅然敬貌摳提也曲禮曰

也講問宜相對容丈足以指畫下席者因夫孔子不

應曾子懼退負序而立

負之言背也爾雅曰東西牆謂之序

孔子曰參

女可語明主之道與曾子曰不敢以為足也得夫子

之閒也難是以敢問孔子曰吾語女道者所以明德

也德者所以尊道也是故非德不尊非道不明

中庸

下之達道五所以行之者三曰君臣也父子也夫婦

也昆弟也朋友之交也五者天下之達道也知仁勇

也爾雅曰明成也

雖有國焉不敎不服不可以取乎

里國謂王國也周禮曰惟王建國大司馬職曰方千里曰國畿教謂教化服謂服事廣雅云取爲也上

無教化下不服事

不可以爲國也雖有博地眾民不以其地治之不

可以霸王

博地眾民謂諸侯大國也地治謂以道治也高注秦策云地猶道也霸王謂爲方伯

以主諸侯白虎通云霸者伯也少閒曰乃有周昌霸

諸侯以佐之謂文王爲西伯也王制曰八州八伯各以其屬屬於天子之老二入分天下以爲左右曰二伯公羊隱五年傳曰自陝而東者周公主之自陝而西者召

是故昔者明主內脩七教外行三至七教脩

焉可以守三至行焉可以征七教不脩雖守不固

至不行雖征不服

此經與下文爲總目其事並在下文左氏昭二十三年傳曰古者天

子守在四夷諸侯守在四鄰孟子曰征者上伐下也又曰以力服人者非心服也是故明主

之守也必折衝乎千里之外其征也衽席之上還師

淮南說山云國有賢君折衝萬里高注云衝兵車也所以衝突敵城也言賢君德不可伐故能折遠敵之衝車於千里之外使敵不敢至也聘珍謂祗是故內臥席也此言守則有戰之備戰亦如守之安

脩七教而上不勞外行三至而財不費此之謂明主

之道也勞力極也財謂國用費耗也曾子曰敢問不費不勞可以

爲明乎孔子愀然揚麋曰參女以明主爲勞乎愀然變動

貌麋讀曰貽昔者舜左禹而右皋陶不下席而天下治書曰

禹宅百揆皋陶作士尚書夫政之不中君之過也政

之既中令之不行職事者之罪也明主奚爲其勞也

杜注左傳云在君爲政在臣爲事中正也令命也小宰職曰以官府之六職辨邦治大宰職曰廢以馭其

罪昔者明主關譏而不征市鄽而不稅稅十取一使

民之力。歲不過三日。入山澤以時。有禁而無征。此六
者。取財之路也。明主捨其四者。而節其二者。明主焉
取其費也。關者。界上之門。譏呵察也。征。賦也。市。買賣
所之也。鄽。市物邸舍。鄽而不稅者。稅其舍
不稅其物。稅十取一。謂田稅也。孟子曰。夏后氏五十
而貢。殷人七十而助。周人百畝而徹。其實皆什一也。
歲三日者。均人職曰。凡均力政。以歲上下。豐年則公
旬用三日焉。入山澤以時者。王制曰。獺祭魚。然後虞
人入澤梁。草木黃落。然後入山林。山虞職曰。物爲之
厲。而爲之守禁。令萬民時。斬材有期日。澤虞職曰。掌
國澤之政令。爲之厲禁。四者。謂
關市山澤二者。謂田稅民力。曾子曰。敢問何謂七
教。孔子曰。上敬老。則下益孝。上順齒。則下益悌。上樂
施。則下益諒。上親賢。則下擇友。上好德。則下不隱。上
惡貪。則下恥爭。上強果。則下廉恥。民皆有別。則貞則

正亦不勞矣此謂七教

以敬事長曰順齒年也施謂

進不隱賢必以其道別辨也釋名云貞定也易曰君子以辨上下定民志正政也

七教者治

民之本也教定是正矣

定猶成也爾雅曰是則上者也正謂民無傾邪也

者

民之表也表正則何物不正

表標準也識正物之行列者也

是故君

先立於仁則大夫忠而士信民敦工璞商慤女憧婦

空空七者教之志也

表記曰仁者天下之表也左氏傳九年傳曰公家之利知無不

為忠也士任事者也晉語曰定身以行事謂之信敦厚也陸氏爾雅音義云璞字又作樸說文云樸木素

也通物曰商慤謹也女謂未嫁者

七者布諸天下而

不窹內諸尋常之室而不塞

布散也左氏昭二十一年傳曰小音不窹又曰

窹則不咸杜注云窹細不滿也內入也南池論云舒之天下而不窹內之尋常而不塞高注云不窹在

大能大也。八尺曰尋。倍尋曰常。在小能小。不塞急也。是故聖人等之以禮立之。

以義行之以順而民棄惡也。如灌。等。儀。義者事之宜也。

順。循也。循其理也。灌。謂灌洗。洗濯其心以去惡也。曾子曰。弟子則不足。道則

至矣。孔子曰。參。姑止。又有焉。昔者明主之治民有法。

必別地以州之分屬而治之。然後賢民無所隱。暴民

無所伏。廣雅云。州。居也。王制曰。量地以制。邑。度地以

治。隱。蔽也。暴。亂也。伏。匿藏也。使有司曰省。如時考之。歲誘賢焉。則

賢者親不肖者懼。有司。謂周禮鄉大夫之屬。州長黨

如。讀曰而。考。校也。日。省。時。考。謂四時。孟。月。月。吉。日。聚

眾。讀法。以考其德。行道藝。糾其衰惡。過失。誘。進也。誘

賢。謂鄉大夫三年則大比。考其德行道藝而興賢者能者。使之哀鰥寡。養孤獨。恤

其德行道藝而興賢者能者。使之哀鰥寡。養孤獨。恤

貧窮誘孝悌選賢舉能此七者脩則四海之內無刑

民矣

使之謂使民也禮運曰民不獨親其親不獨長其長使老者有所終壯者有所用幼者有所長鰥寡孤

獨廢疾者皆有所養選賢舉能者舜夫職曰使民與賢出使長之使民興能入使治之刑罰罪也無刑

民者民皆不變刑措不用也

上之親下也如腹心則下之親上也

如保子之見慈母也上下之相親如此然後令則從

施則行

親愛也保養也慈母養子者也謂設施有所設施民皆奉行也

施因民既邇

者說遠者來懷然後布指知寸布手知尺舒肘知尋

十尋而索

懷至也布敷也舒展也說文云寸十分也人手指一寸動輒謂之寸口尺十寸也周

制寸尺咫尋常仞諸度量皆以人之體為法肘臂節也從肉从寸寸手口也度人之兩臂為尋八尺也廣

雅云索盡也度始於寸盡於尋數始於一終於十也百步而堵三百步而里千

步而井三井而句烈三句烈而距司馬法六尺為步

畝音近而謫也以百步為畝計之應九百步而井云

千步者包田開水道途徑而言也趙注周爵算經云

伸員之周為句烈讀曰列鄭注稻人云列田之

畦時也距折而方也此言造田野形體之法

里而封百里而有都邑乃為畜積衣裘焉使處者恤

行者有興亡封起土界也左氏莊二十八年傳曰凡

也積謂芻米禾薪裘皮衣也處居也

恤憂也與當為與形近謫也亡無也

雖衣冠不同言語不合莫不來至朝覲於王故曰無

市而民不乏無刑而民不違王制曰中國夷蠻戎狄

欲不同無市而民不乏者遺人職曰掌其道路之委

積凡國野之道十里有廬廬有飲食三十里有宿宿

有路室路室有委五十里有市市有候館候館有積

乏廬也書曰士制百姓於刑之中以教祗德無刑者

大戊豐已召古

不任刑也。不違者，民皆從教也。畢弋田獵之得，不以盈宮室也。徵斂

於百姓，非以充府庫也。畢，田巴也。弋，繳射也。田獵，放

獵為田除害也。盈，猶充也。徵，求也。斂，賦斂也。大宰職

曰：以九賦斂財，賄、鄭注曲禮云：府謂寶藏貨賄之處。

庫謂車馬。慢，但以補不足。謂君心廣大，憂民之憂也。

兵甲之處。慢，但以補不足。謂君心廣大，憂民之憂也。

補不足，謂出宮室府禮節以損有餘。以防淫佚，節其

庫所藏以振貧乏也。禮節以損有餘。白虎通云：禮所

侈靡也。又云：禮者盛不足，節有餘，使故曰：多信而寡

豐年不奢，凶年不儉，富貧不相縣也。故曰：多信而寡

貌。信，誠也。謂慢也。但由於心而德及於民。其禮可守，其

貌，謂文貌。禮以節其行，故少文貌也。其禮可守，其

信可復，其跡可履，其於信也。如四時春秋冬夏，其博

有萬民也。如飢而食，如渴而飲，下土之人信之。夫信

與國人交止於信也。跡，謂成跡。履，踐也。四時錯行不

失其序。飢渴之切，必求食飲。上之親民如此，民亦信

者。

其上之親之暑熱凍寒遠若邇暑熱凍寒喻教也樂也夫歎美辭暑熱凍寒遠若邇記曰教者民之寒暑也遠若邇謂無有遠非道邇也及其明德也道路也及與也書曰祇台德先不距朕行是以兵革不動而威用利不施而親此之謂明主之守也折衝乎千里之外此之謂也兵謂鄭注司兵云鄭司農云五兵戈矛戟會矛夷矛元謂車之五兵鄭司農所云者是也步卒之五兵則無夷矛而有弓矢革謂三革賈注國語云三革甲冑盾三也威畏也用貨賄也利爵賞也施予也親謂民親其上曾子曰敢問何謂三至孔子曰至禮不讓而天下治至賞不費而天下之士說至樂無聲而天下之民和明主篤行三至故天下之君可得而知也天下之士可得而臣也天下之民可得而用也篤固也厚也若謂有土者

士謂守道者。曾子曰：敢問何謂也？孔子曰：昔者明主以盡

知天下良士之名，既知其名，又知其數，既知其數，又

知其所在。良賢也，能也。鄉大夫職曰：鄉老及鄉大夫

天府射義曰：古者天子之制，諸侯歲獻貢士明主因

於天子，此明主所以盡知天下良士之名也。明主因

天下之爵，以尊天下之士，此之謂至禮，不讓而天下

治，因天下之祿，以富天下之士，此之謂至賞，不費而

天下之士說，天下之士說，則天下之明譽興，此之謂

至樂無聲，而天下之民和。爵謂公侯伯子男卿大夫

以馭其貴祿，以馭其富。鄭注云：班祿以富臣，下書曰：凡厥正人，既富方穀，譽聲美也。人心和樂而頌聲作也。故曰：所謂天下之至仁者，能合天下之至親者也。

所謂天_事之至知者能用天下之至和者也。所謂天下之至明者能選天下之至良者也。此三者咸通然後可以征。經解曰：上下相親謂之仁。逸周書王佩曰：化行在知和。大開武曰：維王其明用開和之言。孔注云：可否相濟曰和。是故仁者莫大於愛人。書曰：元首明哉，股肱良哉。知者莫大於知賢。政者莫大於官賢。有土之君脩此三者，則四海之內拱而俟。然後可以征。孟子曰：仁者愛人。書曰：知人則哲，能官人。中庸曰：爲政在人，拱而俟手也。侯待也。明主之所征，必道之所廢者也。彼廢道而不行，然後誅其君，致其征，弔其民，而不奪其財也。故曰：明主之征也，猶時雨也。至則民說矣。孟子曰：征之爲言，正也。致其征者，左氏襄二十五年傳曰：鄭入陳，司徒致民，司馬致節，司空致地，乃

還杜注云陳亂故正其眾官脩其所職以安定之孔疏云司徒招致人民司馬集致符節司空檢致土地孟子曰誅其君而弔其民若時雨降民大悅是故行施彌博得親彌眾此之謂衽席之上乎還師行謂行師征伐施功勞也彌益也博廣也呂氏春秋懷寵遠得民滋眾也

哀公問五義第四十

魯哀公問於孔子曰吾欲論吾國之士與之爲政何如者取之魯周公世家云定公十五年卒子將立是爲哀公王制曰凡官民材必先論之士謂講學道藝者孔子對曰生乎今之世志古之道居今之俗服古之服舍此而爲非者不亦鮮乎志慕也古之服儒服也舍讀曰宿舍之舍居也言自居於士而爲非者少也哀公曰然則今夫章甫句屨

紼帶而摺笏者此皆賢乎

儒行曰邱少居魯衣逢掖之衣長居宋冠章甫之冠

士冠禮記曰章甫殷道也屨人職曰青句素屨鄭注云句當為絢聲之誤也絢謂之拘著舄屨之頭以為

行戒紳帶之垂者也摺插也笏記事者也玉藻曰笏度二尺有六寸其中博三寸其殺六分而去一鄭注

云殺猶杼也天子杼上終葵首諸侯不終葵首大夫士又杼其下首廣二寸半孔子曰否不

必然今夫端衣元裳冕而乘路者志不在於食葷斬

衰蒚屨杖而歆粥者志不在於飲食故生乎今之世

志古之道居今之俗服古之服舍此而為非者雖有

不亦鮮乎

端衣者禮衣端正無殺也鄭注司服云端者取其正也衣袂皆二尺二寸而屬幅是

廣袤等也聘珍謂端衣天子諸侯皆以朱為裳云元裳者齊服也郊特牲曰齊之元也以陰幽思也冕祭

服也路車也葷辛物辛主散齊必變食不茹葷不敢散其志也喪服傳曰斬者何不緝也衰三升菅屨者

管非也。杖者何爵也。無爵而杖者何。擔主也。非哀公主而杖者何。輔病也。徹粥朝一溢米。夕一溢米。

曰善。何如則可謂庸人矣。孔子對曰。所謂庸人者。口

不能道善言。而志不邑邑。不能選賢人善士。而託其

身焉。以爲己憂。

道言也。邑讀曰悒。一切經音義引蒼頡云。悒悒不舒之貌。志不悒悒。謂志

意放肆也。選擇也。託依也。憂患也。孟子曰。我猶未免爲鄉人也是則可憂也。動行不知所

務。止立不知所定。曰選於物。不知所貴。從物而流。不

知所歸。五鑿爲政。心從而壞。若此則可謂庸人矣。

事務

也。止居也。定安也。選數也。中府曰賤貨而貴德。孟子曰。從流下而忘反。謂之流。楊注。荀子哀公篇云。鑿也。五鑿謂耳目鼻口及心之竅也。聘珍謂五讀曰午。

猶忤也。鑿穿鑿也。五鑿爲政。謂政不率法。心從而壞。

謂私心壞政也。孟子曰。哀公曰。善何如則可謂士矣。

生於其心。害於其政。

孔子對曰。所謂士者。雖不能盡道術。必有所由焉。雖不能盡善盡美。必有所處焉。是故知不務多。而務審其所知行。不務多。而務審其所由。言不務多。而務審其所謂。知既知之。行既由之。言既順之。若夫性命肌膚之不可易也。富貴不足以益。貧賤不足以損。若此則可謂士矣。道術謂道藝由從也。處居也。孟子曰。居仁由義。大人之事備矣。說文云。審悉也。知審諦也。謂者所以發言之指趣也。順讀曰慎。論語曰。敏於事而慎於言。易謂以物相易也。哀公曰。善。何如則可謂君子矣。孔子對曰。所謂君子者。躬行忠信。其心不買。仁義在己。而不害。不志聞。志廣博。而色不伐。思慮明達。而辭不爭。君子猶然。如將可及。

也而不可及也。如此可謂君子矣。論語曰：躬行君子，又曰：主忠信，買義。

未詳或云：買當為置，害也。謂枝人也。志私意也。不

志謂不自私也。聞志之志讀曰識。伐矜也。曲禮曰：博

聞強識而讓，敦善行而不怠。

謂之君子。猶然舒和之貌。哀公曰：善，敢問何如可

謂賢人矣。孔子對曰：所謂賢人者，好惡與民同情，取

舍與民同統，行中矩繩，而不傷於本，言足法於天下，

而不害於其身，躬為匹夫而願富，貴為諸侯而無財，

如此則可謂賢人矣。大學曰：民之所好好之，民之所

猶舉錯也。統理也。論語曰：舉直錯諸枉，則民服。矩方

繩直也。本謂本性不傷於本。謂行己有法而非矯揉以

失其性害亦傷也。易曰：或害之，悔且吝。左氏昭八年

傳曰：君子之言信而有徵，故怨遠於其身。願，思也。富

之言備也。孟子曰：萬物皆備於我矣。匹夫願富者，

子脩身云。君子貧窮而志廣。說文云：財，人所寶也。

侯無財者孟子曰諸侯之寶三土地人民政事寶珠玉者殃必及其身哀公曰善敢問

何如可謂聖人矣孔子對曰所謂聖人者知通乎大

道應變而不窮能測萬物之情性者也大道謂天地

也應當也變謂事物非常也窮困也測盡也情者性

之發也陸賈新語云聖人成之所以能統物通變治

情性顯大道者所以變化而凝成萬物者也易曰在

仁義也在地成形變化見矣聖人知變化之道首出庶物變

則通之化而裁之故萬物得正其性命也疑正也

情性也者所以理然不然取舍者也理治也然否取

也中庸曰唯天下至誠為能盡其性能盡其性則能

盡人之性能盡人之性則能盡物之性能盡物之性

則可以贊天地之化育故其事大配乎天地參乎日月雜於雲

蜺總要萬物穆穆純純其莫之能循若天之司莫之

能職百姓。淡然不知其善。若此則可謂聖人矣。也。配合

三也。易曰。夫大人者。與天地合其德。與日月合其明。

雜共也。蜺雌虹也。孟子曰。民之望之。若大旱之望雲。

霓也。總統也。要會也。穆穆敬也。純讀曰肫。中庸曰。肫

肫其仁。鄭注云。肫肫或為純。純懇誠貌也。循巡也。司

主也。說文云。職記微也。淡然定靜貌。哀公曰。善。孔子

孟子曰。民曰遷善而不知為之者。

出。哀公送之。

哀公問於孔子弟四十一

哀公問於孔子曰。大禮何如。君子之言禮。何其尊也。

孔子曰。邱也。小人。何足以知禮。鄭注。禮記云。君曰否

謙不答也。吾子言之也。孔子曰。邱聞之也。民之所由生。禮為大

非禮。無以節事天地之神明也。非禮。無以辨君臣上

下。

下長幼之位也。非禮無以別男女父子兄弟之親昏

姻疏數之交也。君子以此之爲尊敬然。鄭云言君子以此故尊禮

然後以其所能教百姓。不廢其會節。鄭云君子以其所能於禮教百

姓。使其不廢此。有成事然後治其雕鏤文章黼黻以

上事之期節。鄭云上事行於民有成功乃後其順之然後言其

喪算備其鼎俎。設其豕腊脩其宗廟。歲時以敬祭祀

以序宗族。則安其居處。醜其衣服。卑其宮室。車不雕

幾。器不刻鏤。食不貳味。以與民同利。昔之君子之行

禮者如此。小戴則作卽處作節。鄭云言語也。算數也。卽就也。醜類也。幾附纏之也。言君子既尊

禮民以爲順。乃後語以喪祭之禮。就安其居處。正以衣服。教之節儉。與之同利者。上下俱足也。孔疏云。設

其豕腊者謂喪中之奠有豕有腊也宗廟祭祀者謂除服之後又教爲之宗廟以鬼享之以序宗族者又教祭祀末雷同姓燕飲序會宗族也公曰今之君子幾謂所鄂也謂不雕鏤使有所鄂也公曰今之君子胡莫之行也孔子曰今之君子好色無厭淫德不倦荒怠敖慢固民是盡忤其眾以伐有道求得當欲不以其所古之用民者由前今之用民者由後今之君子莫爲禮也小戴色作實鄭云實猶富也淫放也固猶故也午其眾逆其族類也當猶稱也所言由後用下所言孔子侍坐於哀公哀公曰敢問人道誰爲大孔子愀然作色而對曰君及此言也百姓之德也固臣敢無辭而對人道政爲大鄭云愀然變動貌也作猶變也德猶福也辭讓也公曰敢問何謂爲政孔子對曰政者

正也。君爲正，則百姓從政矣。君之所爲，百姓之所從也。君所不爲，百姓何從？

鄭云：言君當務於政。

公曰：敢問爲政如

之何？孔子對曰：夫婦別，父子親，君臣嚴，三者正，則庶民從之矣。公曰：寡人雖無似也，願聞所以行三言之

道，可得而聞乎？

鄭云：無似，猶言不肖。

孔子對曰：古之爲政，愛人

爲大，所以治愛人，禮爲大，所以治禮，敬爲大，敬之至

也。大昏爲大，大昏至矣。大昏旣至，冕而親迎，親之也。

親之也者，親之也。是故君子興敬爲親，舍敬是遺親

也。弗愛不親，弗敬不正。愛與敬，其政之本與？

鄭云：大昏，國君

取禮也。至矣，言至大也。

興敬爲親，言相敬則親。公曰：寡人願有言然，冕而親

迎不已重乎

鄭云已猶大也怪親迎乃服祭服

孔子愀然作色而對

曰合二姓之好以繼先聖之後以爲天地社稷宗廟

之主君何謂已重乎

鄭云先聖周公也

公曰寡人固不固焉

得聞此言也寡人欲問不得其辭請少進

鄭云固不固言吾由

鄙固故也請少進欲其爲言以曉己

孔子曰天地不合萬物不生大昏

萬世之嗣也君何以謂已重焉孔子遂有言曰內以

治宗廟之禮足以配天地之神明出以治直言之禮

足以立上下之敬物恥足以振之國恥足以興之爲

政先禮禮者政之本與

鄭云宗廟之禮祭宗廟也夫婦配天地有日月之象焉禮

器曰君在阼夫人在房大明生於東月生於西此陰陽之分夫婦之位也直猶正也正言謂出政教也政

教有夫婦之禮焉。昏義曰：天子聽外治，后聽內職，教順成俗。外內和順，國家理治。此之謂盛德。物猶事也。事恥，臣恥也。振猶救也。國恥，君恥也。君恥也，臣行之行，有可恥者，禮足以救之，足以興復之。孔子遂言曰：昔三代明王之政，必敬其妻子也。有道，妻也者，親之主也，敢不敬與？子也者，親之後也，敢不敬與？君子無不敬也。敬身爲大，身也者，親之枝也，敢不敬與？不能敬其身，是傷其親，傷其親是傷其本，傷其本，枝從而亡。三者，百姓之象也。身以及身，子以及子，配以及配。君子行此三者，則愾乎天下矣。大王之道也，如此國家順矣。鄭云：愾猶至也。大王居爾爲狄所伐，乃曰：養乃去之，岐是言百姓之身猶吾身也。百姓之妻猶吾妻也。不忍以土地之故而害之，去之岐而王。

迹興公曰敢問何謂敬身孔子對曰君子過言則民

作辭過動則民作則君子言不過辭動不過則百姓

不命而敬恭如是則能敬其身能敬其身則能成其

親矣鄭云則法也民者化君者也君之言雖過民猶稱其辭君之行雖過民猶以爲法公曰

敢問何謂成親孔子對曰君子也者人之成名也百

姓歸之名謂之君子之子是使其親爲君子也是爲

成其親名也已孔子遂言曰古之爲政愛人爲大不

能愛人不能有其身不能有其身不能安土不能安

土不能樂天不能樂天不能成身鄭云有猶保也不能

害之也不能安土動移失業也公曰敢問何謂成身

不能樂天不知己過而怨天也

孔子對曰：「不過乎物。」

鄭云：物猶事也。

公曰：「敢問：君何貴乎？」

孔子對曰：「貴其不已。」如日月西東相從而巳。

也是天道也。不閉其久也。是天道也。無爲物成。是天

道也。已成而明。是天道也。

鄭云：已猶止也。是天道也。者言人君法之當如是也。

日月相從。君臣相朝會也。不閉其久。通其政教。不可

以倦。無爲而成。使民不可以煩也。已成而明。照察有

功。公曰：「寡人蠢愚冥煩。子識之心也。」

知也。冥煩者。言不能明理。此事子云。志讀爲識。識

之。心所知也。欲其要言。使易行。孔子蹴然避席而

對曰：「仁人不過乎物。孝子不過乎物。是仁人之事親

也。如事天。事天如事親。是故孝子成身。」

鄭云：蹴然。敬貌。物猶事也。

事親事天。孝敬同也。孝經曰：事父母。故事天明。舉無過事。以孝事親。是所以成身。

公曰：「寡人

既聞是言也無如後罪何鄭云既聞此言也者欲勤行之罪何孔子對曰君之及此言也是臣之福也鄭云為讓辭公及此言此言善言也

禮三本第四十二

禮有三本天地者性之本也先祖者類之本也君師者治之本也無天地焉生無先祖焉出無君師焉治

三者偏亡無安之人

性生也易曰天地之大德曰生焉何也楊注荀子云類種也偏

亡謂闕一也

故禮上事天下事地宗事先祖而寵君師是

禮之三本也

宗尊也寵榮也孟子曰書曰天降下民作之君作之師惟曰其助上帝寵之四

王者天太祖諸侯不敢懷大夫士有常宗所以別

貴始德之本也

者天太祖謂以太祖配天也孝經曰昔

懷私曰懷不敢懷謂諸侯不敢祖天子以配天鄭詩箋云

君為太祖也常宗者大傳曰別子為祖繼別為宗繼

宗是也郊止天子社止諸侯道及士大夫所以別

尊卑尊者事尊卑者事卑宜鉅者鉅宜小者小也

公羊傳三十一一年傳曰天子祭天何注云郊者所以祭天

也大傳曰禮不王不禘王者禘其祖之所自出以其

祖配之鄭注云大祭其先祖所由出謂郊祀天也王

者之先祖皆感大微五帝之精以生皆用正歲之正

月郊祭之祭法曰諸侯為百姓立社曰國社諸侯自

為立社曰侯社大夫以下成羣立社曰置社鄭注云

大夫不得特立社與民族居百家以上則共立一社

今時里社是也楊云道行神也聘珍謂祭法曰大夫

立三祀曰族厲曰門曰行適士立二祀曰門曰行鄭

注云行主道路行作大夫士職在適四方故得祀行

也陸氏禮記音故有天下者事七世有國者事五世

有五乘之地者事三世有三乘之地者事二世待年

而食者不得立宗廟所以別積厚者流澤光積薄者

流澤卑也祭法曰天子立七廟諸侯立五廟大夫立

成出長穀一乘待年而食謂食力者也說文云年穀

熟也左氏昭三十二年傳曰農夫之望歲懼以待時

不得立宗廟者王制曰庶人祭於寢也積讀曰積爾

雅曰續事也功也業也澤讀若孟子曰君子之澤

大饗尚元尊俎生魚先大羹貴飲食之本也樂記曰

禮尚元酒而俎腥魚大羹不和有遺味者矣鄭注云

大饗祫祭先王以腥為俎實不臠熟之大羹肉消不

調以鹽菜聘珍謂元尊明水也司烜氏職曰大饗尚

以鑒取明水於月鄭注云明水以為元酒元尊而用酒食先黍稷而飯稻粱祭饗大羹而飽乎

庶羞貴本而親用禮器曰醴酒之用元酒之尚醴運

曰元酒在室醴醖在戶黍稷在堂

澄酒在下鄭注少牢饋食禮云或言食或言飯食大
名小數曰飯齊嘗至齒也飽謂尸告飽也庶眾也鄭
注庖人云致滋味乃為羞禮器曰大饗其王事與三
牲魚腊四海九州之美味也籩豆之薦四時之和氣
也此覆申大饗事也貴本之謂文親用之謂理兩者合
義言有本有用也而成文以歸太一夫是謂大隆
順其理也事有其文物得其理是能經緯天地之道
故曰成文也歸返也禮運曰夫禮必本於太一隆備
也故尊之尚元酒也俎之生魚也豆之先太羹也此
本有一也二字言三者皆禮之反其本者也利爵之不啐也
史記索隱云案儀禮祭畢
獻祝西面告成是為利爵祭初未行無算爵故不啐
入口也聘珍謂利爵當是旅酬之後祝未告利成之
先佐食獻尸者也特牲饋食禮曰利洗散獻於尸鄭
注云利佐食也言利以今進酒也更言獻者以利待
尸禮將終宜一進酒嫌於加爵成事之俎不嘗也
亦當三也不致爵禮又殺也

云成事卒哭之祭故記曰卒哭曰成事既是卒哭始
從吉祭故受胙爵而不管俎也聘珍謂士虞禮記曰
三虞卒哭他用剛日亦如初日哀薦成事是卒哭祭
禮與虞同也士虞禮主人獻尸尸取肝擣鹽振祭齊
之加于俎鄭注云加三侑之不食也立宥以勸尸食
于俎以喪不志於味三侑之不食也立宥以勸尸食
至三飯而後止每飯有宥一人故一也言三者皆禮
有三宥既是勸尸故不相食也一也言三者皆禮者
也

大昏之未發齊也廟之未納尸也始卒之未小斂
也一也廣雅云發舉也齊當為醢郊特牲曰壹與之

也一也齊終身不改鄭注云齊或為醢祭未納尸先
設置為陰厭之事坊記曰喪禮每加以遠浴於中雷
飯於牖下小斂於戶內士喪禮曰卒斂徹帷三者皆
禮之謹於大路車之素幟也郊之麻冕也喪服之先
始者也

散帶也一也左氏桓二年傳曰大路越席杜注云大

云幟覆式也司服職曰祀昊天上帝則服大裘而冕
孔注論語云麻冕緇布冠古者積麻三十升布以為

之雜記曰大功以上散帶孔疏云小斂之後大功以下皆絞帶大功以上散此帶垂不忍即成之至成服乃絞三者皆禮之貴其質者也三年之哭不反也清廟之歌一倡而

三歎也縣一磬而尙拊搏朱絃而通越也一也閒傳

人之哭若往而不反詩序云清廟祀文王也鄭箋云祭文王而歌此詩也孔疏云禮記每云升歌清廟是其事也鄭注樂記云倡發歌句也三歎三人從歎之磬讀曰磬明堂位曰拊搏玉磬鄭注云拊搏以韋爲之充之以糠形如小鼓鄭注樂記云朱絃練朱絃練則聲濁越瑟底孔也畫疏之使聲遲此並言聲之不尙文凡禮始於脫成於文終於隆脫簡也文謂節文隆備也故至

備情文俱盡其次情文佚興其下復情以歸太一至

也禮器曰大備盛德也禮者因人之情而爲之節文德盛者化神故情文俱盡佚讀曰迭情文迭興謂有本有文也復反也復情以歸太天地以合四時以洽

一謂反本修古不忘其初者也

日月以明星辰以行江河以流萬物以倡好惡以節
喜怒哀當以爲下則順以爲上則明萬變不亂貸之
則喪

張氏史記正義云自天地以下入事大禮之
備情文俱盡故用爲下則順用爲上則明也

大戴禮記解詁卷之一終

姪嘉會校刊

大戴禮記解詁卷之二

南城王聘珍學

禮察弟四十六

孔子曰君子之道譬猶防與夫禮之塞亂之所從生也猶防之塞水之所從來也

塞止也。稻人職曰以防止水。鄭彼注云防諸旁

也故以舊防爲無用而壞之者必有水敗以舊禮爲無所用而去之者必有亂患

孔氏經解疏云水敗謂水來敗於產業也。亂患

謂必有亂患之事也

故昏姻之禮廢則夫婦之道苦而淫辟之

罪多矣

鄭注經解云昏姻謂嫁娶也。壻曰昏妻曰姻。苦謂不至不答之類。

鄉飲酒之

禮廢則長幼之序失而爭鬪之獄繁矣

鄭三禮目錄云諸侯之鄉

大夫三年大比獻賢者能者於其君以禮賓之與之
 飲酒於五禮屬嘉禮大司徒職日以陽禮教讓則民
 不爭鄉飲酒之禮也陽禮聘射之禮廢則諸侯之行惡而
 謂鄉飲酒之禮也
 盈溢之敗起矣鄭目錄云大司馬曰聘諸侯相於久無
 曰諸侯之邦交歲相問也殷相聘也世相朝也於五
 禮屬賓禮名曰大射者諸侯將有祭不數祀之事與其羣
 臣射以觀其禮數中者得與於祭不數祀之事與其羣
 於祭射義於五禮屬嘉禮鄉射者州長春秋以禮會
 民而射於州序之禮謂之鄉射者州長春秋以禮會
 鄉之屬鄉大夫或在焉不改其禮喪祭之禮廢則臣
 子之恩薄而倍死忘生之禮罕矣大司馬職曰以吉
 示以喪禮哀死亡哀公問篇曰言其喪算備凡人之
 其鼎俎設其豕腊脩其宗廟歲時以敬祭祀凡人之
 知能見已然不能見將然禮者禁於將然之前而法
 者禁於已然之後是故法之用易見而禮之所為生

難知也。

廣雅云禁止也。論語曰齊之以禮。周禮曰以

之法。左氏昭二十五年傳曰禮上下之紀。天地之經

緯民之所以生也。論語曰民可使由之不可使知之。

若夫慶賞以勸善。刑罰以懲惡。先王執此之正。堅如

金石。行此之信。順如四時。處此之功。無私如天地。爾

豈顧不用哉。然如曰禮云禮云。貴絕惡於未萌而起

敬於微眇。使民曰徙善遠罪而不自知也。孔子曰聽

訟吾猶人也。必也使無訟乎。此之謂也。功當為公。敬

孝經曰禮者敬而已矣。為人主計者。莫如安審取舍。取舍之極

定於內。安危之萌應於外也。爾雅曰安定也。說文云審悉也。知審諦也。顏注

漢書云取謂所擇用也。舍謂所棄置也。極中也。萌始生也。安者非一日而安也。危

者非一日而危也皆以積然不可不察也善不積不

足以成名惡不積不足以滅身而人之所行各在其

取舍

積聚也習也察審也易曰積善之家必餘慶積不善之家必餘殃臣弑其君子弑其父非

一朝一夕之故其所由來者漸矣由辨之不早辨也

又曰善不積不足以成名惡不積不足以滅身小人

以小善為无益而弗為也以小惡為无傷而弗去也故惡積而不可揜罪大而不可解以禮義

治之者積禮義以刑罰治之者積刑罰刑罰積而民

怨倍禮義積而民和親

禮運曰禮義也者人之大端也所以講信脩睦而固人肌

膚之會筋骸之束也所以養生送死事鬼神之大端也所以達天道順人情之大寶也怨倍謂民心怨而

行倍畔也和親謂善氣洽而民相親睦也故世主欲民之善同而所以使

民之善者異或導之以德教或毆之以法令導之以

德教者德教行而民康樂歐之以法令者法令極而

民哀戚哀樂之感禍福之應也

導引也歐謂駕馭之康安也極窮也戚疾

也

我以為秦王之欲尊宗廟而安子孫與湯武同然

則如湯武能廣大其德久長其後行五百歲而不失秦王亦欲至是而不能持天下十餘年即大敗之此

無佗故也湯武之定取舍審而秦王之定取舍不審

也易曰君子慎始差若毫釐繆之千里取舍之謂也

案史記秦王名政莊襄王之子母呂不韋姬以東周亡後三年嗣立為秦王二十六年庚辰盡滅六國稱始皇帝十二年辛卯崩明年少子胡亥嗣立號二世世皇帝三年甲午趙高弑二世立二世兄公子嬰為秦王明年子嬰降漢前後凡十五年易然則為人主曰者易緯通卦驗之言始謂其微時也

師傳者不可不日夜明此

保傳曰傳傳之德義師道之教訓

問爲天

下如何曰天下器也今人之置器置諸安處則安置

諸危處則危而天下之情與器無以異在天子所置

爾

置錯置也荀子云國者天下之大器也湯武置天重任也

不可不善爲擇所而後錯之

下於仁義禮樂而德澤洽禽獸草木廣育被蠻貊四

夷累子孫十餘世歷年久五六百歲此天下之所共

聞也

德恩德也澤謂流澤洽浹也

秦王置天下於法

令刑罰德澤無一有而怨毒盈世民憎惡如仇讎禍

幾及身子孫誅絕此天下之所共見也夫用仁義禮

樂爲天下者行五六百歲猶存用法令爲天下者

餘年即亡是非明數大驗乎

數讀日效

人言曰聽言之道

必以其事觀之則言者莫妄言今子或言禮義之不

如法令教化之不如刑罰人主胡不承殷周秦事以

觀之乎

子通稱也對上問者之辭承繼也

夏小正第四十七

正月

爾雅曰正月為陬孔氏詩幽風疏引春秋元命

包云夏人以十三月為正尚書大傳云夏以日

至六十日為正又云夏以孟春為正月令曰孟春之

月鄭注云日月之行一歲十二自聖王因其會而分

之以為大數焉觀斗所建命其四時此云孟春者日

月會於娵訾而斗建寅之辰也聘珍謂正月日躔娵

訾此周時麻象耳夏時正月節日在娵訾月中則在

降婁遷周書曰周公正三統之義作周月云惟一月

既南至昏昴畢見日短極斗柄建子日月俱起於牽

牛之初此漢書律麻志所云周公攝政五年正月丁

未戌豐已辟古

卷之二十一

四

已朔旦冬至也。冬至日在牛初度，則正月節當在危
十六度，月中在室十四度，故鄭云日月會於陬訾也。
但恆星每歲東移大約七十年餘而差一度，自周溯
夏，當差十六度有餘，則夏時正月中日躔當在降婁
之初。又案尚書堯典曰：「日短星昴，以正仲冬。」是堯時
冬至日在元枴初昏，元枴加酉，則大梁加午而昴宿
得中，自堯元載甲辰至夏禹元歲，為一百五十二年。
所差二度有餘，夏之冬至日亦在元枴，冬至在元枴
則正月月中當在降婁。新唐書厯志載大衍厯議云：自
帝堯演紀之端，在虛一度，日在虛一，鳥火昴虛皆以
仲月昏中，合於堯典。斯言蓋得其實，以歲差計之，堯
時冬至在虛一度，則夏時冬至在女十度，冬至在女
十度，則正月節在室十六度，故螽言始發螽也。廣雅云
度月中在奎七度無疑矣。故螽言始發螽也。廣雅云
螽謂螽蟥物之巨細，或行或毛，或倮或介，或鱗皆有
之。傳云言始發螽也者，釋名云：發撥也。撥使開也。
雁北鄉，先言雁而後言鄉者，何也？見雁而後數其鄉
也。鄉者，何也？鄉其居也。雁以北方為居，何以謂之居。

生且長焉爾九月遘鴻雁先言遘而後言鴻雁何也見遘而後數之則鴻雁也何不謂南鄉也曰非其居

也故不謂南鄉記鴻雁之遘也如不記其鄉何也曰

鴻不必當小正之遘者也鄭注禹貢云鴻雁之屬隨

日行夏至漸南至漸北鴻雁九月而南正月而北

傳云雁以北方為居者鄭注月令云凡鳥隨陰陽者

不以中國為居云鴻不必當小正之遘者也者小正

九月記遘鴻雁自中國見其遘而記也但其居之遠

近不可知其南鄉之時也雉震响震也者鳴也响也者

鼓其翼也正月必雷雷不必聞惟雉為必聞何以謂

之雷則雉震响相識以雷說文云雉有十四種盧諸

雉翟山雉雉雉卓雉伊洛而南曰翬江淮而南曰搖

南方曰雉東方曰雉北方曰雉西方曰雉許氏說本

大或豐已釋古

雌鳴而雌其頸傳云正月必雷者雷陰陽薄動也正
月三陽已盛有與陰相薄之義故泰卦互體為震也
云雷不必引惟為必聞者雷動地中人或不聞雌
性精剛故獨知之應而鳴也云何以謂之者謂猶記
也言小正何以記雌震响也云相識以雷者人聞雌
鳴則可識雷之動於地中也漢書五行志魚陟負冰
云雌者可聽察先聞雷聲故月令以紀氣志
陟升也負冰云者言解蟄也負之言背也傳云負冰
若解卦猶開也魚水蟲也盛寒之時蟄於水下農緯
逐其溫煖正月陽氣既上出游於水上近於水
厥耒緯束也束其耒云爾者用是見君之亦有耒也
說文云農耕也耒手耕曲木也傳云用是見君之亦
有耒也者祭義曰天子為籍千畝冕而朱紘躬耒
月令曰乃擇元辰天子親載耒耜措之於參保
介之御閒帥三公九卿諸侯大夫躬耕帝藉
祭耒始用暘初歲祭耒始用暘也暘也者終歲之用

祭也其曰初云爾者言是月始用之也初者始也或
曰祭韭也祭讀曰祭尙書大傳云祭之爲言祭也表
田器初歲祭耒耜者省視田器周禮曰正歲
簡稼器是也說文云暘不生也始用暘謂耒耜反
其萌芽使草不生也傳云暘也者終歲之用耒耜者
察殺也謂草不生終歲用耒耜以殺之也鄭注鄉飲酒
義云察猶察察嚴殺之貌也難氏職曰掌殺草春始
生而萌之夏日至而夷之秋繩而芟之冬日至而耜
之是終歲之事也云言是月始用之也者卽春始生
而萌之也云初者始也者爾雅釋詁文或曰祭圃有
韭也五字當在圃之燕者也爾雅釋詁文或曰祭圃有
見韭圃也者圃之燕者也孔氏詩秦風疏云有蕃曰
有垣也韭菜名一種而久者故謂之韭傳云圃也者
圃之燕者也者燕謂安居之地也穀梁宣十五年傳
曰古者公田爲居井竈蔥韭之屬取焉范注云家作一
圃以種五菜云或曰祭韭也者王制曰庶人春薦韭
時有俊風俊者大也大風南風也何大於南風也曰

合冰必於南風解冰必於南風生必於南風收必於

南風故大之也

易曰撓萬物者莫疾乎風傳云大風南風也者說文云南方曰景風爾雅

曰景大也云合冰必於南風解冰必於南風者白虎

通云南者任也十月純陰用事陽凝於陰任成其功

故有風以合冰正月陰氣漸消陽薄乎陰任散其德

故有風以解冰云生必於南風收必於南風者任養

萬物故曰生任成萬物故曰收也

寒曰滌凍塗滌也者變也變而煖

也凍塗也者凍下而澤上多也

寒陰氣曰謂每日言其漸也滌蕩除也廣

雅云塗泥也凍塗謂地凍釋如塗泥也傳云凍下而

澤上多也者澤潤液也言解凍有漸其下猶凍而其

上已見滋潤之澤也田鼠出田鼠者噉鼠也記時也

高注淮南

鼠鼯鼠也傳云田鼠噉鼠也者噉讀曰鼯爾雅

曰鼯鼠鼯鼠陸氏釋文引字林云鼯即鼯鼠也農

率均田率者循也均田者始除田也言農夫急除田

也農謂農夫爾雅曰均易也孟子曰易其田疇趙注云易治也傳云率者循也者爾雅釋詁文云均田者始除田也者除猶脩治也云言農夫急除田也者農書曰春草冒櫛陳根可拔耕者急發是也獺獻魚獺祭魚其必與之獻何也曰非其類也祭也者得多也善其祭而後食之十月豺祭獸謂之祭獺祭魚謂之獻何也豺祭其類獺祭非其類故謂之獻大之也說文云獺如小狗也水居食魚蔡氏月令章句云獺毛蟲西方白虎之屬水居而殺魚者也高注淮南時則云獺獮也取鯉魚於水邊四面陳之謂之祭魚傳云非其類也者類謂種類獺爲毛蟲魚爲鱗蟲非其類也云祭也者得多也者爾雅曰多衆也獺取魚於水邊四面陳之猶祭之美多品也云謂之獻大之也者獻者獻其功也左氏僖三十年傳云謂之曰以獻其功孔氏疏云獻者謂呈見旌表之也鷹則爲鳩鷹也者其殺之時也鳩也者非其殺之時也善

變而之仁也故其言之也曰則盡其辭也鳩為鷹變

而之不仁也故不盡其辭也爾雅曰鷹鳩郭注云

傳作鳩鳩是也杜注昭十七年左傳云爽鳩鷹也爾

雅曰鳩鳩鳩郭注云今之布穀也江東呼為獲穀

傳云鷹也者其殺之時也者謂五月鳩為鷹其時一

陰始生殺氣至矣云鳩也者非其殺之時也者謂正

月鷹為鳩其時萬物並育不相害也云善變而之仁

也者高注呂氏仲春紀云鷹化為鳩喙正直不驚擊

也云故其言之也曰則盡其辭也者廣農及雪澤言

雅云則即也若喜其速化故極辭也

雪澤之無高下也

爾雅曰雪澤者詩曰雨雪紛紛益之以霰

小雨潤澤則饒洽是也農夫及此雪澤而始事於公

田也傳云言雪澤之無高下也者詩曰既優既渥既

霑既足初服于公田古有公田焉者古者先服公田

而後服其田也

爾雅曰初始也服事也詩曰亦服亦

耕傳云古有公田焉者者杜氏通

云黃帝經土設井立步制畝使八家為井井開四道而分八宅云先服公田而後服其田也者孟子曰方里而井井九百畝其中為公田八家皆私采芸為廟百畝同養公田公事畢然後放治私事采芸為廟采也說文云采擇取也高注呂氏仲冬紀云芸鞠則見鞠者何也星名也鞠則見者歲再見爾義鞠星名其云鞠當為噉爾雅曰咍謂之柳但小正凡星言則見者皆謂旦見東方柳在正月乃昏見也或云鞠當為祿聲近而為也聘珍謂此說近是蓋司祿二星在危東虛北距西星去極九十度入虛四度正月節日在室十六度祿星距日四十度當得旦見東方也傳云歲再見爾者祿星正月旦見東方十月昏見西方也初昏參中蓋記時也云天官書云參為白虎三星直伐為斬艾事其外四星左右肩股也聘珍謂斗柄縣正月節參去日九十度昏刻中於南方也斗柄縣在下言斗柄者所以著參之中也天官書云北斗七星

斗樞云第一天樞第二旋第三璣第四權第五衡第六開陽第七搖光第八至第九為魁第十至第十一為杓合而為斗說文云杓北斗柄也縣繫也傳云言斗柄者所以著參之中也者六官書云斗杓攜龍角魁枕參首參中在上斗魁枕之則其杓在下矣柳梯也者發乎也柳小楊也易曰枯楊生稊王注云稊者楊之梅杏桃桃則華秀也傳云發乎也者廣雅云稊生也梅杏桃桃則華也桃山桃也爾雅曰時英梅初學記引張氏毛詩義南時則云杏有竅在中象陰在內陽在外故二月其樹杏地爾雅作橈曰橈桃山桃郭注云實如桃而小不解核爾雅曰華苓也木謂之華小正四月見緹縈杏五月煮梅六月煮桃此先記其華之時也緹縈縈也者莎隨也緹也者其實也先言緹而後言縈何也緹先見者也何以謂之小正以著名也說文云緹縈讀曰蒨傳云縈也者莎隨也者爾雅曰蒨侯莎其實蒨是也說文云莎縈侯也繫傳云莎一名縈一名

侯莎。顏注：急就篇云：莎，卽今青莎草也。云：緹也者，其實也者，實當爲色。聲謬也。謂緹爲緹之色也。云：緹先見者也者，言緹初生，其色丹黃，先見也。云：小正以著名也者，言小正記物候之例，以其物之先著者言之也。小正緹字，爾雅作緹。二文不同。二書之義亦異。小正緹言其色，爾雅緹言其質。傳義甚明。今青莎草正月初生，未卽有實，可以目驗。知之傳中實字，當爲色。郭注：爾雅引此傳，證成彼義，誤色爲實。後人不察，反據郭注，改易此傳，證成彼義，誤色爲實。後人不察，反傳千載，不覺矣。雞桴粥粥也者，相粥之時也。或曰：桴，

姬伏也。粥，養也。說文云：雞，知時畜也。桴，讀曰孚。說文其期不失信也。鳥，哀恆以爪覆其卵。鄭注：周禮云：粥養也。傳云：相粥之時也者，九家注易云：風應節而變，變不失時。雞時至而鳴，與風相應也。二九十八主風，精爲雞。故雞十八日剖而成雞。云：或曰：桴，姬伏也者，樂記曰：羽者，姬伏。孔二月仲春之月，聘珍謂二月令曰：疏云：伏體而生子也。二月仲春之月，聘珍謂二月令曰：日在莫月，往，棲黍禪禪單也。往，謂往于田也。玉篇云：中在胃也。往，棲黍禪禪單也。往，謂往于田也。玉篇云：黍，當爲稷。鄭

注士昏禮云古文黍作稷孔氏月令疏引攷靈曜云日中星鳥可以種稷是也說文云禪衣不重也齊語曰旦莫從事於初俊羔助厥母粥俊也者大也粥也田野脫衣就功初俊羔助厥母粥俊也者大也粥也者養也言大羔能食草木而不食其母也羊蓋非其子而後養之善養而記之也或曰夏有煮祭祭者用羔是時也不足喜樂善羔之爲生也而記之與羔羊腹時也羔羊子也助猶佐助也助厥母粥者謂大羔不待乳於其母其母再粥小羔也傳云粥也者養也者謂生養也樂記曰毛者孕鬻鄭注云鬻生也云言大羔能食草木而不食其母也者謂不食其母之乳也春秋繁露云駒犢未能勝芻豢之食其如令食其母便又云羔食於其母必跪而受之云羊蓋非其子而後養之者說文云非違也違離也羊之性必俟其已生之子不食其乳違之而去而後再粥小羔云善養而記之也者美其生長蕃息也云或曰夏有煮祭祭者用羔者爾雅曰夏大也說文云煮烹也

謂大烹而祭也。詩曰：四之日其蚤，獻羔祭韭。月令曰：仲春之月，天子乃鮮羔開冰，先薦寢廟，是也。云是時也，不足喜樂，善羔之爲生也，而記之者，爲猶助也。言是時獻羔之祭，小正不記，而記羔之助厥母粥也。云與羔羊腹時也者，與許也。嘉美之辭，綏多女士，綏安爾雅曰：腹厚也。善羔羊厚生之時也。綏多女士，綏安也。冠子取婦之時也。綏安也者，爾雅釋詁文云：冠子也。冠子取婦之時也。取婦之時也者，爾雅釋詁文云：冠子也。綏順仲春之吉辰，始加昭明之元服，是古者冠以二月也。媒氏職曰：中春之月，令會男女。鄭注云：中春，陰陽交以成昏也。丁亥，萬用入學。丁亥者，吉日也。萬也者，禮順天時也。

干戚舞也。入學也者，大學也。謂今時大舍采也。

公羊宣八年

年傳曰：萬者，何干舞也。何注云：萬者，其篇名。傳云：丁亥者，吉日也者，吉善也。月令曰：仲春之月，上丁，命樂正習舞釋菜。云萬也者，干戚舞也者，孔氏詩邸風疏云：公羊傳曰：萬者，何干舞。言干則有戚，以干戚武事。故以萬言之，是以文王世子云：春夏學干戈。注云：干戈，萬舞象武也。云大學也者，王制曰：夏后氏養國老。

於東序鄭注云東序大學在國中王宮之東是也云
謂今時大舍采也者今時即二月丁亥也大胥職曰
春入學舍采合舞鄭注云鄭司農云舍采謂舞者皆
持芬香之采或曰古者士見於君以雉爲摯見於師
以采爲摯采直謂蔬食菜羹之菜或曰學者皆人君
卿大夫之子衣服采飾舍采者減損解釋盛服以下
其師也月令仲春之月上丁命樂正習舞釋采仲下
又命樂正入學習樂元謂舍即釋也采讀爲菜始入
學必釋菜禮先師祭鮪祭不必記記鮪何也鮪之至
也菜蘋蘩之屬

有時美物也鮪者魚之先至者也而其至有時謹記

其時廣雅云祭薦也月令曰薦鮪於寢廟孔疏云案
爾雅釋魚云鮪鮪鮪郭景純云似鱸而小建平

人呼鮪子一本云鮪似鮪口在頰下音義云大者爲
王鮪小者爲鮪鮪似鮪長鼻體無鱗甲傳云鮪之至

有時美物也者高注淮南汜論云鮪大魚長丈餘仲
春二月從西河上得過龍門便爲龍初學記引張氏

毛詩義疏云鮪魚出海二月從河上來穀梁成十
七年傳曰祭者薦其時也薦其美也非享味也

樂

堇采繁堇菜也。繁由胡。由胡者，繁母也。繁母者，芴勃

也。皆豆實也。故記之。爾雅曰：芻苦堇。郭注云：今堇葵也。葉似柳子如米，汨食之，滑爾。

雅曰：繁，皤蒿。郭注云：白蒿。傳云：繁由胡。由胡者，繁母也。繁母者，芴勃也。者，孔氏隱三年左傳疏云：陸璣云：

凡芴，白色，為皤蒿。今白蒿，春始生，及秋香美，可生食。又可蒸，一名遊胡。北海人謂之芴勃。故大戴禮夏小

正傳曰：繁，遊胡。遊胡，芴勃也。云：皆豆實也。者，皆堇與

繁也。臨人職曰：饋食之豆，其實葵菹。卽堇葵也。詩曰：

于以采繁。毛傳云：繁，皤蒿也。鄭昆小蟲抵蝼。昆者，眾

箋云：執繁菜者，以豆薦繁菹。昆小蟲抵蝼。昆者，眾

也。由魂魂也。由魂魂也者，動也。小蟲動也。其先言動

而後言蟲者，何也？萬物至是動而後著，抵猶推也。蝼

蝱卵也。為祭醢也。取之則必推之，推之不必取之。取

必推而不言取。小蟲蟄蟲也。傳云：由魂魂也者，動也。者，由讀曰猶。白虎通云：魂猶，佗佗也。

大哉豐已解古
卷之二
二

行不休也。少陽之氣故動不息。云萬物至是動而後
著者。著見也。月令曰仲春之月雷乃發聲始電蟄蟲
咸動啟戶始出。云抵猶推也。者推謂推擇也。云蟄蟲
卵也。為祭醢也。者醢人職曰饋食之豆。蟄蟲
推擇推擇者取不取未定之辭也。故不言取。先來降
燕乃睇燕乙也。降者下也。言來者何也。莫能見其始
出也。故曰來降。言乃睇何也。睇者眇也。眇者視可為
室者也。百鳥皆曰巢。窠穴取與之室何也。操泥而就
家。人人內也。爾雅曰燕燕。郭注云詩曰燕燕于飛。一名元鳥。齊人呼鳥。廣雅云睇視也。方
言云睇眇也。陳楚之間南楚之外曰睇。傳云其能見
其始出也。故曰來降者。鄭注月令云言降者若時始
自天來重之也。云視可為室者也。者說文云室實也
从戶从至。至所止也。云百鳥皆曰巢者。說文云鳥在
木上曰巢。云窠穴取與之室。云云者。說文云窠深也
从穴从火。从求省。穴土窟也。顏注五行志云取讀曰

聚燕之突穴聚居不謂之巢而謂之室者以其能操泥而就人家入其內也爾雅曰牖戶之間謂之扃其內謂剝鱗以為鼓也說文云剝裂也从刀从彖彖刻之家

有鳴倉庚倉庚者商庚也商庚者長股也爾雅曰倉

庚一名鴛黃一名楚雀齊人謂之搏黍榮芸時有見稊始收有見稊而

後始收是小正序也小正之序時也皆若是也稊者

所為豆實榮華也盛也芸即正月采芸至二月則榮

矣有見稊始收者言是芸於正月發稊之時始收三月

爾雅曰三月為癸月令曰季春之月參則伏伏者非

亡之辭也星無時而不見我有不見之時故曰伏云

大戴禮記解詁卷之二 三

三月月中後日躔參宿故參伏而不見也傳云星無時

而不見我時不見之時故曰伏云者恆星隨宗動天

東出西入逐時皆有出入地之恆星逐星皆有出

入地之恆星逐星皆有出入地之恆星逐星皆有出

刻因時各異隨地不同也攝桑桑攝而記之急桑

也說文云攝引持也委楊楊則苑而後記之說文云

也桑從女从禾臣鉉等曰委曲也取其禾穀垂穗委曲

之貌故從禾爾雅曰楊蒲柳傳云苑而後記之者韋

苑茂木也辨羊羊有相還之時其類辨辨然記變爾

或曰辨辨也辨讀曰辨說文云辨羊也相鼓則鳴鼓天

樓也爾雅曰鼓天樓也頌冰頌冰也者分冰以授大夫

也左氏昭四年傳曰古者日在北陸而藏冰又曰火

分冰以授大夫也者左傳曰采識識草也識當為

大夫命婦喪浴用冰是也采識識草也識當為

大夫命婦喪浴用冰是也采識識草也識當為

黃蔭郭注云藏草葉似酸漿花小而白中心黃江東以作菹食妾子始蠶先妾而後

子何也曰事有漸也言事自卑者始釋名云妾接也

鄭注月令引夏小正曰妾子始蠶孔疏引皇氏云子謂外內子女山陽汪閏學云子指正妻對妾文也爾

雅曰蠶桑繭郭注云食桑葉作繭者即今蠶鄭執養注周禮馬質云蠶為龍精月直大火則浴其種

宮事執操也養長也宮蠶室也事謂蠶事祭義曰古者天子諸侯必有公桑蠶室近

川而為之築宮仞有三尺棘牆而外閉之及大昕之朝君皮弁素積卜三宮之夫人世婦之吉者使入蠶

於蠶室奉種浴於川桑於公桑風戾以食之歲既單矣世婦卒蠶奉繭以示於君遂獻繭於夫人及良日

夫人繅三盆手遂布於三宮夫人世婦之吉者使繅遂朱絲之元黃之以為繡黻文章鄭注云歲單謂三

月月盡之後也言歲者蠶歲之大功事畢於此也祈麥實麥實者五穀之先

見者故急祈而記之也說文云麥芒穀秋種厚薶故謂之麥麥金也金王而生火

王而死從來有穗者从久月令曰季春之月乃為麥
 祈實鄭注云於含秀求其成也傳云麥實者五穀之
 先見者鄭注周禮疾醫云五穀麻
 黍稷麥豆也管子云麥者穀之始也
 越有小旱越于
 也記是時恆有小旱
 論衡云久陽為旱顏注漢書
 田鼠化為鴽鴽鴽也變而之善故盡其辭也鴽為鼠變
 而之不善故不盡其辭也爾雅曰鴽鴽母郭注云鴽
 季春紀云田鼠鴽也鴽母高注呂氏
 之鴽母周維謂之鴽幽州謂之鴽也
 拂桐芭拂也者
 拂也桐芭之時也或曰言桐芭始生貌拂拂然也
 爾雅曰桐芭始生貌拂拂然也
 日榮桐木郭注云即梧桐芭讀曰葩說文云葩華也
 傳云言桐芭始生貌拂拂然也者蔡氏月令章句云
 桐木之後華者也釋之故曰始易緯曰桐枝
 鳴鳩言而
 相命也先鳴而後鳩何也鳩者鳴而後知其鳩也
 而後知其鳩也

爾雅曰鵬鵠鵠鵠郭注云似山雀而小短尾青黑色
多養今江東亦呼為鵠鵠孔氏昭十七年左傳疏云
舍人云鵬鵠一名鵠鵠今四月爾雅曰四月為余月
之班鳩也廣雅云命呼也四月令曰孟夏之月聘珍
謂四月昂則見天官書云昂曰旄頭爾雅曰西陸
日在井昂則見也左氏昭四年傳曰西陸朝觀孔疏
云鄭答其弟子孫皓云西陸朝觀謂四月立夏之時
聘珍謂四月節昂去日四十一度故得旦見東方也
初昏南門正南門者星也歲再見壹正蓋大正所取
法也南門亢宿上下二星名也天官書云亢為疏廟
二星去極九十六度其北第一星正當赤道四月中
日在井十八度亢第五度去日一百零二度昏刻
正於中也大衍曆議以庫樓南之南門當亢宿上下二
南門史記正義亦以庫樓南之南門當亢宿上下二
星並非是傳云歲再見壹正者亢宿四月正於中九
月旦見東方六月昏見西方也云蓋大正所取法也
者廣雅云正君也鄭注月令云凡記昏明中星者為
人君南面而聽天下視時候以授民事也獨於南門

言取法者晉書天文志云亢天子之內朝鳴杞杞者也總攝天下奏事聽訟理獄錄功者也

寧縣也鳴而後知之故先鳴而後机爾雅曰蟬蟬而

小方言云有文者謂之螭
夏小正曰鳴蜚虎縣也
囿有見杳囿者山之燕者

也。正月則華。四鳴蜩蜩也者。或曰屈造之屬也。謗注

云域又火國鄭注周禮云鄭司農蝓讀爲域域蝦蟇也月令曰蝓蝓高注淮南說林云鼓造一曰蝦蟇

王荇秀月令曰王瓜生鄭注云王瓜厚華也今月令云王荇生夏小正云王荇秀未聞孰是詩曰

四月秀萸鄭箋云夏小正
四月王荳秀萸其是乎
取茶茶也者以爲君薦

也。爾雅曰：茶，苦菜。郭注云：詩曰：誰謂荼苦？茶苦菜也。月令曰：孟夏之月，苦菜秀。傳云：以爲君薦蔣也者。

爾雅曰薦進也說文云雕菰一名蔣膳夫職曰凡王
之饋食用六穀鄭司農云六穀稌黍稷粱麥菰苽

也胡秀幽爾雅曰不榮而實者謂之秀幽義未聞或云
毛詩四月秀萼幽萼聲譌也但鄭氏箋詩疑

也胡秀幽爾雅曰不榮而實者謂之秀幽義未聞或云
毛詩四月秀萼幽萼聲譌也但鄭氏箋詩疑

也胡秀幽爾雅曰不榮而實者謂之秀幽義未聞或云
毛詩四月秀萼幽萼聲譌也但鄭氏箋詩疑

也胡秀幽爾雅曰不榮而實者謂之秀幽義未聞或云
毛詩四月秀萼幽萼聲譌也但鄭氏箋詩疑

王賁為蓼或越有大旱記時爾鄭注月令云陽氣盛

云亦未確也五月純陽用事女巫職曰嘆旱則舞雩左氏恒執陟攻

五年傳曰龍見而雩杜注云龍見建巳之月執陟攻

駒執也者始執駒也執駒也者教之服車數舍之也陟升也

執而升之君也攻駒也者教之服車數舍之也校人

謂執猶拘也鄭司農云執駒無令近母二歲曰駒元

之傳云執而升之若也者謂擇其良者以為王六馬

之屬也校人職曰掌王馬之政辨六馬之屬是也云

教之服車數舍之也者服閑習也舍釋也廋人職曰

佚特教駢鄭注云杜子春云佚當為逸元謂逸者用

之入使甚勞安其血氣五月爾雅曰五月為皋月令

也教駢者始乘習之也五月曰仲夏之月聘珍謂五

月節日在井參則見參也者伐星也故盡其辭也五

月中在柳節參去日四十二度得旦見東方也傳云參也者伐

星也者毛詩召南傳云參伐也孔疏云參實三星故

綱繆傳云三星參也。以伐與參連體。參為列宿統名。之若同一宿。然但伐亦為大星。與參互見。皆得相統。故周禮熊旂六旒。以象伐。注云伐屬白虎宿。與參連體。而六星言六旒。以象伐。明伐得統參也。是以演孔圖云。參以斬伐。公羊傳曰伐為大辰。皆互舉相見之文也。故言參伐也。見同體之義。浮游有殷

殷眾也。浮游殷之時也。浮游者渠略也。朝生而莫死。

稱有何也。有見也。爾雅曰蜉蝣渠略。郭注云似蜚蠊。身狹而長。有角。黃黑色。聚生糞土中。朝生莫死。緒好啖之。傳云浮游殷之時也。者孔氏

詩曹風疏云陸璣云蜉蝣方土語也。通謂之渠略。夏

月陰雨時地中出。樊光謂之鳩則鳴鳩者百鵲也。鳴

者相命也。其不辜之時也。是善之故。盡其辭也。爾雅

伯勞也。郭注云似鵲鵲而大。左傳曰伯趙氏。邵氏爾

雅正義云李巡云伯勞一名鷦。通作鳩。詩疏引陳思

王惡鳥論云伯勞以五月鳴。應陰氣而動。傳云其不

辜之時也者。鄭注周禮掌戮云辜之言枯也。謂桀

不辜者不殺也淮南天文云日夏至鷺鳥不搏黃口
應陰不時有養曰養長也一則在本一則在末故其

記曰時養曰云也日並當為白宋本日並作白朱子

戴日作白聘珍謂白虎通三正云白者陰氣時有養

白謂五月月中時陰氣方生也傳云養長也者長為生

長之長非長短之長云一則在本者本始也謂一陰

始生也云一則在未者未微也謂一陰始生而向微

也云故其記曰時養白云也者謂一乃瓜乃者急瓜

陰雖微而其勢方長謹記其時也

之辭也瓜也者始食瓜也山陽汪閣學云此似卽剝

瓜也王瓜藥良蜩鳴良蜩也者五采具良讀曰蜩兩

物非可食者郭注云夏小正傳曰蜩蜩者五彩具方言云蜩楚謂

之蜩宋衛之閒謂之蟬蜩陳鄭之閒謂之蜩蜩素晉

之閒謂之興五日翕望乃伏其不言生而稱興何

也不知其生之時故曰興以其興也故言之興五日

翕也望也者月之望也而伏云者不知其死也故謂

之伏五日也者十五日也翕也者合也伏也者入而

不見也厚讀曰蟬詩曰如蜎如蜎毛傳云蜎蟬也蟬

也方語不同三輔以西為蜎宋以東謂蜎為蜎楚

語謂之蜎蜎陸璣疏云蜎一名蜎亦蜎之別名耳傳云

也青徐人謂之蜎然則蜎蜎亦蜎之別名耳傳云

不知其生之時云者邵氏爾雅正義云論衡無形

篇蟬化而為復育復育轉而為蟬蟬生雨翼不類

十五日而合十五日而伏即淮啟灌藍蓼啟者別也

陶而疏之也灌也者聚生者也記時也爾雅曰歲馬

大葉冬藍也月令曰仲夏之月令民無刈藍以染鄭

注云為傷長氣也此月藍始可別夏小正曰啟灌藍

蓼孔疏云熊氏云灌謂叢生也言開鳩為鷹月令曰

開此叢生藍蓼分移使之稀散也

月鷹乃學習孔氏疏引鄭志云焦氏問云仲秋乃鳩

化為鷹仲春鷹化為鳩六月何言曰鷹學習乎張逸

答曰鷹雖為鳩亦自有真鷹可習矣聘珍謂鄭注周

禮司裘云中秋鳩化為鷹故焦氏舉以為問張答云

自有真鷹可習亦遷就其說不用小正五月祭鳥唐

鷹之義實則五月鳩為鷹六月始禁七月祭鳥唐

蜩鳴唐蜩者匭也郭注云蜩匭讀曰蜩爾雅曰蜩俗

呼為蟬江南初昏大火中大火者心也心中種黍菽

謂之蟬蜩中爾雅曰大火謂之大長郭注云大火心也在

糜時也中爾雅曰大火謂之大長郭注云大火心也在

心宿去日一百十八度昏刻中於南方傳云心中種

黍菽糜時也者說文云種執也黍禾屬而黏者也菽

謂戎菽大豆也詩曰藝之荏菽毛傳云荏菽戎菽鄭

箋云戎菽大豆也淮南主術云大火中則種黍菽汜

勝之書云三月榆莢時有雨高田可種大豆夏至後

二十日尚可種糜當為糜形近譌也說文云糜積也

从黍麻聲一切經音義十一引荅頡云積大黍也似黍而不黏關西謂之糜是糜亦黍屬故可同時而種

孔氏月令疏引考靈曜云主夏煮梅為豆實也

者心星昏中可以用種黍是也

饋食之籩其實棗栗桃乾棗鄭注云乾棗乾梅也內則曰梅諸並謂煮梅乾之為腊也初學記引張氏毛

詩義疏云梅杏類也樹及葉皆如杏而黑蓄蘭為沐耳暴乾為腊置黃臘壺中又可含以香口蓄蘭為沐

浴也說文云蓄積也蘭香草也傳云為沐浴也者說文繁傳云本草蘭集皆似澤蘭澤蘭方莖蘭員

莖白花紫莖皆生澤畔八月花楚辭曰浴蘭湯兮沐芳華本草蘭草辟不祥故絮齊以事大神也臣又案

本草蘭入藥四五菽糜以在經中又言之時何也是月采謂采枝葉也

食矩關而記之菽大豆郭注爾雅釋言云粥之稠者曰糜菽糜謂以菽為糜也邵氏爾雅

正義云王楨農書云大豆有白黑黃三種白者粥飲皆可拌食農桑輯要引汜勝之書云大豆保歲易為

宜古之所以備凶年也傳義頌馬分夫婦之駒也人未詳舊注云矩關一作短閱

職曰夏祭先牧讀馬攻特傳云分夫婦之駒也者月
令曰仲夏之月游北別羣鄭注云孕妊之欲止也

將閒諸則或取離駒納之則法也閒讀曰閑習也詩

維則毛傳云則法也傳云離駒者六月爾雅曰六月

季夏之月聘珍謂六月去母者也初昏斗柄正在上五月大火

中六月斗柄正在上用此見斗柄之不正當心也蓋

當依依尾也心謂大火心星也尾謂尾星皆蒼龍之

龍角孟康云杓北斗柄也龍角東方宿也杓杓杓

東方七宿角亢氐房心尾箕統言之皆曰龍角散言

之則斗柄實當尾故煮桃桃也者桃桃也杓桃也者

山桃也煮以爲豆實也通人職曰饋食之選其實桃

云王肅云諸菹也桃菹即今之藏桃也欲藏之時必

先稍乾之聘珍謂欲乾之時先以卵鹽煮之故小正

曰煮梅也。鷹始擊。始擊而言之何也。諱殺之辭也。故言

擊云。擊讀曰擊。月令曰季夏之月鷹乃學習。鄭注云

陰氣乃有殺心。七月。兩雅曰七月為相。月令曰孟秋

學習搏擊之事。七月。聘珍謂七月節日在翼。月

軫中在秀。韮葦未秀則不為韮葦。秀然後為韮葦。故先

言秀。傳云。疏為韮葦。孔疏云。釋草云。莢葦。樊光

云。莢初生。蔥息理反。駢色。海濱曰葦。郭璞云。似葦而

小。釋草又云。葦華。舍人云。葦一名華。樊光引詩云。彼

茁者葦。郭璞云。即今蘆也。釋草又云。葦蘆。郭璞云。葦

也。然則此二草初生者為莢。長大為蘆。成則名為葦。

初生為葦。長大為蘆。成則名為葦。小大之異。狸子肇

肆肇始也。肆遂也。言其始遂也。其或曰肆殺也。爾雅

子隸。郭注云。今或呼狴狴。說文云。狴。伏獸似狴。郭注云。今或呼狴狴。說文云。狴。善搏者也。湟潦生葦。湟下

處也。有湟然後有潦，有潦而後有萃草也。說文云：潦，雨水大貌。

爾雅曰：萃，賴蕭。詩曰：呦呦鹿鳴，食野之萃。是也。爾雅曰：萃，郭注云：水中浮萍。江東謂之藻。此即月令季

春之月萍始生也。非生於七月者，爽死，爽也者，猶疏也。僖十五年傳

曰：歲云秋矣，我落其實而取其材，實落材亡。傳云：猶

疏也者，謂疏材也。大宰職曰：聚斂疏材。鄭注云：疏材，

百草根實可食者。賈疏云：百草或取根，或取葉。若

謂若菱芡之屬，或取實，謂若榛栗之屬。莽秀，莽也者，

馬帶也。爾雅曰：莽，馬帶。郭注：漢案，戶，漢也者，河也。案

戶也者，直戶也。言正南北也。詩曰：維天有漢，其傳云：

括地象云：河精上為天漢，揚泉物理。論云：漢水之精

也。氣發而著精華，浮上宛轉隨流。名曰天河，一曰雲

漢。傳云：言正南北也。者，天河起自箕尾，沒於七星。寒

南畔，七月初昏箕尾中於南，故天河自南而北也。寒

蟬鳴，寒蟬也者，蜩蟪也。爾雅曰：蜩，寒蟬。郭注云：寒蟬

也，似蟬而小。青色。傳云：蜩蟪也。

也者蝶或為蛱蝶王篇廣韻並云蛱蝶小蟬也爾雅曰
蛱蝶蛱蝶郭注云即蛱蝶也一名蛱蝶齊人呼蛱蝶

初昏織女正東鄉天官書云張氏正義云在北織女織女天

東聘珍謂東鄉者女孫也張氏正義云在河北天紀
鄉營室東壁也時有霖雨左氏隱九年傳曰凡灌

茶灌聚也茶灌葦之秀為蔣褚之也蔣未秀為葵葦

未秀為蘆鄭氏詩鄭風箋云茶茅秀物之輕者飛行

茶職曰以時聚茶既夕禮曰茵著用茶皆是也蔣謂掌

為蔣褚之也者蔣謂蔣葦色青而華之時諸蓄也傳云

文云蔣蔣蔣也繫傳云蔣葦斗柄縣在下則旦
也青謂之蔣蔣枯謂之芻蔣斗柄縣在下則旦天官

斗杓攜龍角魁枕參首衡殷南斗用昏建者杓夜半

建者衡平旦建者魁七月月初昏斗柄建申平旦建子

柄建子則八月聘珍謂八月月節日在角月中在氏

剝瓜畜瓜之時也詩曰疆場有瓜是剝是蒞
毛傳云剝瓜以為蒞也元校元

也者黑也校也者若綠色然婦人未嫁者衣之

說文云黑

而有赤色者為元校讀曰絞鄭注雜記云采青黃之

閒曰絞傳云絞也者若綠色然者說文云綠帛青黃

色也元絞之為色五采皆備染人職曰秋染夏鄭注

云染夏者染五色謂之夏者其色以夏秋為飾禹貢

曰羽畎夏秋是其總名其類有六曰鼈曰搖曰鴈曰

淺之度是以剝棗剝也者取也詩曰八月剝棗毛傳

放而取名焉剝棗剝也者取也云剝擊也孔疏云棗

須就樹取之所 栗零零也者降也零而後取之故不

言剝也說文云栗木也其實 丹鳥羞白鳥丹鳥者謂

丹良也白鳥謂閩蚋也其謂之鳥何也重其養者也

有翼者為鳥羞也者進也不盡食也月令曰羣鳥養

所食也夏小正曰九月丹鳥羞白鳥說曰丹鳥也者

者也有翼爲鳥養也者不盡食也二者文異羣鳥丹
良未聞孰是孔疏云云夏小正曰九月丹鳥羞白鳥
者今案大戴禮八月丹鳥羞白鳥今云九月者鄭所
見本異也丹鳥以白鳥爲珍羞故云丹鳥羞白鳥云
說曰丹鳥也者以下至不盡食皆小正文白鳥也者
謂閭蚋也其謂之鳥者重其所養者丹良是蟲乃謂
之鳥是重其所謂之物不盡食之雖蟲而謂鳥也但
未知丹良竟是何物皇氏以爲丹良是螢火今案爾
雅釋蟲郭氏等諸釋皆不云螢火是丹良未聞孰是
何所依據云二者文異羣鳥丹良未聞孰是者月令
云羣鳥夏小正說者云丹良辰則伏辰也者謂星也
故云羣鳥丹良未聞孰是辰則伏辰也者謂星也
伏也者入而不見也辰謂辰角也周語曰辰角見而
角角星名也八月節日在角角星與日俱沒故入而不見也
羣也鹿之養也離羣而善之離而生非所知時也故
記從不記離君子之居幽也不言或曰人從也者大

者於外小者於內率之也爾雅曰鹿牡麋牝鹿其子

也人從者言如人之相聽從也傳云鹿之養也離者

養謂孕妊生養之時離謂離其羣也云羣而善之者

說文云鹿之性見食急則必旅行淮南泰族云鹿鳴

興於獸君子大之取見其食而相呼也云離而生非

所知時也故記從不記離者謂鹿之性孕妊之時必

離羣而後生小鹿既生而後從羣不知其離之時弟

見其從而後記之不億其離而後從之也云君子之居幽

也不言者居處也幽謂幽隱不明之事則不言也

鴛為鼠也三月傳曰鴛為鼠變而之不善故不盡其辭

曰迎貓為其參中則旦失傳也辰伏則參見非中也

聘珍謂古法秋分昏明中星去日百度夏時八月九

月聘珍謂九月月節日在心月令曰季秋之月內火內火也

者大火大火也者心也謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

謂之大辰九月日躔心尾故

大火入而不見也。遯鴻雁遯往也。月令曰季秋之月

說文云內入也。往也者雁以北方為居自北而主夫出火主夫也者

南則曰往自南而北則曰來。主以時縱火也。王制曰昆蟲未蟄不以火田月令曰

又曰天子乃教於田獵傳。陟元鳥蟄陟升也。元鳥也

云縱火者謂縱火張羅也。者燕也。先言陟而後言蟄何也。陟而後蟄也。月令曰

鄭注云元鳥燕也。熊羆貉貉則穴若蟄而。爾雅曰

也歸謂去蟄也。熊羆貉貉則穴若蟄而。爾雅曰

其子狗絕有力。廣說文云熊獸似豕山居冬蟄爾雅

曰熊如熊黃白文廣韻云貉同獬說文云獬似狐善

睡獸爾雅曰鼯鼠郭注云今鼯似鼯赤黃色大尾咬鼠江東呼

為鼯鼠則穴者鄭注云今鼯似鼯赤黃色大尾咬鼠江東呼

者若順也。蟄藏也言此六物順時而藏凡獸蟄皆藏

於穴中也。榮鞠樹麥。鞠草也。鞠榮而樹麥時之急也

而語辭。

爾雅曰鞠治牆郭注云今之秋華菊月令曰季秋之月鞠有黃華樹謂莧植也傳云時之急也者孔氏月令疏云蔡氏云陽氣初胎於酉故八月王始裘王始裘月齊麥應時而生九月則時之急也王始裘王始裘者何也衣裘之時也高注呂氏孟冬紀云裘溫辰繫于日辰謂大辰房心尾也繫聯綴也九雀入于海為蛤蓋有矣非常入也大月令曰爵入大水為蛤鄭注云賓雀入大水為蛤云賓雀者老雀也棲宿于大堂宇之間有似賓客故謂之賓雀大水海也傳曰雀入于海為蛤此之謂也說文云食蜃屬有三皆生于海千歲化為食秦謂之吐鴈又云百歲燕所化魁食一名復累老服十月爾雅曰十月為陽鄭氏詩小雅箋云翼所化十月十月為陽十月為陽時坤用事嫌於無陽故以珍謂十月節日在箕月中在斗聘豺祭獸善其祭而後食之也爾雅曰豺狗足高注呂氏季秋紀云豺獸也似狗而長毛其色黃殺獸四圍陳之所

謂祭初昏南門見南門者星名也及此再見矣經傳

謂變十月初昏黑鳥浴黑鳥者何也鳥也浴也者飛

南門伏非見也說文云鳥孝鳥也廣韻引爾雅曰純黑

乍高乍下也而返哺者謂之鳥小而不返哺者謂之

謂鳥飛迎風而自潔其毛羽也時有養夜養者長

也若日之長也論衡說日云夜陰也時有養夜者鄭

亥之月純陰用事也傳云養者長也者謂生長也云

若日之長也者爾雅云若乃也漢書天文志云日

陽也十月純陰何云陽長易曰剝窮上反下蓋剝卦

上九一畫為三十分一日剝一分至九月盡方盡然

陽氣無間可息剝於上則生於下至十月一日便生

一分積三十分而成一畫故十一月一陽復而養之

則白十月始矣十月元雉入于淮為蜃蜃者蒲盧也

純陰乃所以養陽也左氏昭十七年傳曰丹鳥氏司閉者也杜注云丹

驚雉也以立秋來立冬去入水為蜃說文云淮水

南陽平氏桐柏大復山東南織女正北鄉則旦織女

星名也織女三星距大星去極五十二度半入十一

月爾雅曰十一月為辜月令曰仲冬之月王狩狩者

言王之時田也冬獵為狩遂以狩田鄭注云言守取

之無所擇也何注公羊傳云狩猶獸也冬時禽獸長

大遭獸可取說文云獵放獵逐禽也傳云冬獵為狩

者爾雅陳筋革陳筋革者省兵甲也陳列也傳云陳

也者考工記曰弓人為弓筋也者取其筋革者省兵甲

深也函人為甲必先為容然後制革不從

從者弗行音省也音人謂省畜徒眾也不從謂不從

注云畢作人則盡行非徒羨也于時月也萬物不通

冬狩非為社事故有不行者于時月也萬物不通

月令曰天氣上騰地氣下降天地不通閉塞而成隕

祭易曰先王以至日閉關商旅不行后不省方

麋角隕墜也。日冬至陽氣至始動。諸向生皆蒙蒙符

矣。故麋角隕記時焉。爾雅曰：麋牡麋牝麋其子麋

者。爾雅釋詁文云：日冬至陽氣至始動。諸向生皆蒙

蒙蒙符矣。鄭注周易云：蒙蒙物初生形。是其未開著

之名也。符信也。驗也。萬物應微陽而動。皆有信驗也。

月令曰：日短至陰陽爭。諸生蕩。鄭注云：爭者陰方盛

陽欲起也。蕩謂物動萌芽也。云故麋角隕記時焉。十

爾者高注淮南時則云：麋角解墜皆應微陽氣也。十

二月。爾雅曰：十二月為涂月。令曰：季冬之月。鳴弋。弋

也者禽也。先言鳴而後言弋者何也？鳴而後知其弋

也。弋謂鷺鳥也。鷹隼之屬。繳射曰弋。十二月鷹隼取

也。鳥捷疾嚴猛亦如弋射。故謂之弋。月令曰：季冬之

月征鳥厲疾是也。元駒賁元駒也者。螳也。賁者何也？走於地

中也。爾雅曰：蚍蜉大螳。小者螳。方言云：蚍蜉齊魯之

聞謂之蚍蜉。西南梁益之間謂之元蚍。燕謂之

蟻蚌傳云走於地中也納卯蒜卯蒜也者本如卵者
也納者何也納之君也爾雅曰蒿山蒜說文云蒜葷菜也虞人入梁

虞人官也梁者主設罔罟者也虞人掌水之官水虞

人入澤梁鄭注云梁絕水取魚者傳云罔罟者爾雅曰罔罟謂之九罟九罟魚罔也隕麋角蓋

陽氣旦睹也故記之也傳云蓋陽氣旦睹也故記之也

睹見也陽氣旦睹謂十一月一月一陽來復陽氣早見已

有隕麋角之事矣十二月亦有隕者物候各有不齊

故經重記之孔氏月令疏云若節氣早則麋角十一

月解故夏小正云十一月麋角隕墜是也若節氣

則十二月麋角解故小

正云十二月隕麋角

大戴禮記解詁卷之二終

姪嘉